









N<sup>o</sup> 361



EX LIBRIS  
ANDRÉ ET JANINE MOREL  
ET AMICORVM

ROBERT W. WOODRUFF  
LIBRARY



EMORY UNIVERSITY  
*Special Collections & Archives*





























REGI SECVLOR.  
IMMORTALI

S.

HUMANAE SALVTIS MONVMENTA  
B. ARIÆ MONTANI STUDIO CON-  
STRVCTA ET DECANTATA  
ANTVERP. EX PROTOTYPOGRAPHIA  
REGIA.

PIORVM  
ANIMIS  
RECREAN  
DIS

P. H.

CHRISTOPH.  
PLANIIVS  
D. S. P. F. C.

1571



VAULT  
ES 635  
A76  
1523

REGIÆ CATHOL. MA<sup>tis</sup>. PRIVATA LEGE  
BRUXELLIS ANNO D. CLD. ID. LXX.  
SEPT. ID. MARTII LATA ET FIRMATA  
I. DE LANGHE SVB GRAVI MVLCTA  
CAVETVR, NE QVIS, CITRA CHRI-  
STOPH. PLANTINI PROTOTYPOGR.  
REGII VOLVNTATEM, HÆC SALVTIS  
HVMANÆ MONVMENTA, &c. PROX.  
SEXENNIO VLLO MODO IMITETVR,  
IMPRIMAT, VEL QVOVIS MODO  
DISTRAHAT.

# CHRISTOPH. PLANTINVS

LECTORI S.



Vm omnes cogitationes, studium, operam, atque adeò quidquid in nobis est, candide Lector, ad Typographiam, quæ ceteras artes sua præstantia illustrat, iamdiu contulerimus; nihil nobis charius certè, aut antiquius est, quàm vt bonarum literarum, ac potissimùm sacrosanctę Theologię studia omni ex parte promoueamus, ac piis, iisdemq; multiplici disciplinarum genere ornatis viris, continuo labore, ac industria (quantulacunq. ea est) pro viribus consulamus. Neq. verò in præbenda studiosis hominibus materia, & copiosa gratissimorum studiorum supellectile, adeò toti sumus, quin nōnulla etiam oblectamēta grauib; intermixta studiis, lectoribus subinde proponamus. Hoc enim inter cetera nobis semper fuit propositum, vt seriis studiis, & continuis laboribus defatigatos, iucunda aliqua, neque ea tamen inani occupatione interdum detineremus. hoc itaque consilio adducti præstantissimos ac probatissimos quosq. Poetas, tū veteres, tum recentiores: nonnulla etiam alia, in omni ferè artium (quarum professoribus nos satis esse facturos existimauius) ac scientiarū genere opuscula, typis, quoad fieri potuit, ele-



gantibus, excudimus. Cùm verò inter ceteras artes, quas diuina munificentia hominibus elargita est, pictura ea sit, quæ tum vtilitatis, tum delectationis non infimas partes suo iure quodammodo sibi vendicet, quippe quæ res omnes, quæ quidem in hac rerum vniuersitate conspiciuntur, ita repræsentet, atque ita oculos teneat, vt eæ tanquam viuæ rerum imagines imperitos etiam ipsos res gestas luculenter edoceant, ipsumque animum moueant, atque adeò aliàs lecta, quarumque memoria exciderat, sui inspectione in mentem reuocent, vt hac potissimum de causa non paruum hæc ars cum typographica nostra affinitatem habere videatur: Instituti nostri esse existimauimus Ariæ Mōtani publicæ vtilitatis studiosissimi, ac de bonis literis, & disciplinis optimè meriti, Architecturæ etiam peritissimi (cui enim nisi ingeniosissimo huic viro, tabularum, quas in hoc opere artificiosè cælatas conspicias, admirabilem structuram acceptam referamus?) fecundissimum, & quouis doctrinæ genere referatissimum opus, id est, vnam & septuaginta odas, quibus ille felici quadam ingenij dexteritate, carminis elegantia, & grauitate maximum, & admirabile omnino salutis nostræ mysterium iam inde ab ipso primi parentis lapsu ad Euangelistas vsque prosecutus est, adhibitis ad eam rem exercitatissimis pictoribus, & tabellarum, quibus sacræ

cræ historiæ aptissimè repræsentantur, cælatori-  
bus, summis laboribus, ac sumptibus, quibus  
profectò, hac potissimùm in parte, vt videre est,  
non pepercimus, qua potuimus industria, typis  
nostris excudere: idque ita elaboratum & om-  
nibus suis partibus absolutum tibi tandem exhi-  
bere. Qua quidem in re si nostros labores tibi  
gratos esse cõperiemus, longè maiora, Deo dan-  
te, tum ab ipso Auctore, tum etiam à nobis post-  
hac in communem studiosorum vtilitatem, cui  
nos totos nostraque omnia dedicauimus, conti-  
nuò prodibunt. Vale, & nostrum hunc labo-  
rem æqui consule. Antuerpiæ Calend. Maij, An-  
nò à Virginis partu, M. D. LXXI.

A 3

CHRI-



CHRISTO LIBE-  
RATORI S.

**C**HRISTE, tuas laudes, tua magna negotia, parui  
Aggredimur breuibus dicere carminibus.  
Ponimus exiguis memoranda exempla tabellis,  
Consilium & summi per tua gesta patris.  
Dum reficit pictura oculos, dum carmina mentem,  
Te placidum nostris insere pectoribus.  
Tunc dabitur miranda animis arcana videre,  
Creditaque humanam vincere sorte vicem.  
Tunc animis fidibusque nouis, meliora feremus  
Carmina, de donis munera nata tuis.



*[Faint, illegible handwritten text]*



In tabulam Mosis Prophetæ.

ODE SAPPHICA II.

CLARA Levitum soboles, Deo nec  
Non viris charum caput, ac puellis,  
Quem ferax Nilus puerum innocenti  
Sustulit amne:

Si quid angusto celebrare versu  
Possumus magnum, tibi nostra mixtis  
Vox ferat Moses fidibus dicati  
Carminis hymnum.

Te repromissæ proprium salutis  
Indicem, ingratus fugat in remotas  
Proditor gentes, generum sed hospes  
Nobilis optat.

Redditus tandem populo tuorum  
Nuncius magni superum parentis,  
Rector afflicti & generis minister,  
Nosceris idem.

Præpotens herbis magicoque cantu  
Thana mentitas simulare formas,  
Mox tibi veris agitata monstris  
Victaque gessit.

Impiger ductor populi timentis,  
Pectora ut verbis recreas disertis;  
Ipse, quæ nunquam metuis, pericla  
Vincere monstras.

Numinis puræ placitura menti  
Iura, quæ gentes metuantque reges,  
Certus interpret capis, obstupendo  
Clarus honore.



VERAE SAPIENTIAE RVDIMENTA.  
*Dux hominum interpretq; Dei mitissime Moses*  
*Omnia qui primus tempora ponis, aue.*



EXOD.  
 Non habebis  
 Deos alienos  
 coram me.

Non facies  
 tibi sculptile,

Non assumes  
 nomē Dñi Dei  
 tui in vanum.

Memento vt  
 diem sabba:  
 tui sanctifices.

Honora Patrē  
 tuum et ma:  
 trem tuam,

CAPXX.  
 Non occides  
 Nō mechaberis

Non furtum  
 facies.

Non loqueris  
 contra proxi:  
 mū tuū falsū  
 testimonium

Non concu:  
 pises domū  
 proximi tui  
 nec desidera:  
 bis uxorem  
 eius et<sup>a</sup>

FIDELI MINISTRO POS.

B

Id



In tabulam præuaricationis parentum.

ODE TRICOLOS TETRASTROPHOS III.

EHV laborum pondera maxima,  
Mortale quondam queis premitur genus;  
Inuexit orbi tunc recenti  
Femineæ leuitatis error.  
Postquàm parentum, plura petentium  
Quàm vox benigni præbuerat Dei,  
Attendit infausti draconis  
Credulitas male suada verbis:  
Ardor negatæ dum sapientia,  
Summiq̃ue certans ambitio loci  
Angustiores dat videri  
Diuitias, cumulumq̃ue celat.  
Pellexit arbos raraq̃ue frondium  
Prospecta, ramis forma micantibus,  
Fatale vt auderent scelesto  
Dente(nefas) temerare malum.  
Conceptus agro pectore conscius  
Succus, patenteis mox reſerat vias,  
Qua culpa lethi ſæua mater,  
Visceribusq̃ue, animisq̃ue regnet.  
Hoc fonte rixæ, diffidia & furor,  
Pugnæ, rapinæ, ſæuaq̃ue criminum  
Turba & dolores in nepotum  
Dedecus exitiumq̃ue manant.

AMBI-



AMBITIONE CAERVM NOVA  
Principium errorisq, mali, miseræq, ruina  
Est preceptori credere nolle Deo.



FRAVDIS EXPOLIATRICIS MONVM.

B 2

1a



In tabulam Serpentis à Deo maledicti.

ODE DICOLOS TETRASTROPHOS IIII.

VICTOR dum, patribus perpetuo iugo  
Depressis, celebrat gaudia Lucifer;  
Præclara & repetit cum grege perfido  
Palmæ præmia nobilis:

Duci fata suis audit absona  
Inceptis stabili consilio Dei:  
Cristatumque gemens pulvere verticem  
Squamosus posuit Draco.

Nam cur tu inuidiæ fraudibus insolens  
Virtutis referas vel sapientiæ  
Laudem? colloquio quòd superes nimis  
Vano, femineum caput?

Iam te sollicitum terribiles metus;  
Expers lætitiæ & suspicio manet:  
Quæ semper pauido pectore sentias;  
Nec vitare queas ferus.

Quin de feminea stirpe, tenerrimus  
Nascetur validorobore surculus:  
Istud comminuat qui cerebrum citò;  
Huic dum tu insidias paras.

Exercere malis ingenium dolis,  
Et rumpi inuidia, perpetuum tibi,  
Torquerique animo, quòd propriis male  
Demens consiliis cadas:

Dein victus grauib. guttura vinculis,  
Æternoque caput supplicio dabis,  
Et commenta fremens stultitiæ tuæ  
Flammis vindicibus lues.

CON-



CONSILIVM ABSCONditVM.  
*Ingenius hominum cunctis reperire negatum  
Surgit opus, magno propositum Artifici.*



MISERICORDIAE ASSERTRICI. S.

B 3

In



In tabulam Noë sacrificantis.

ODE SAPPHICA V.

SOL ubi calo faciem sereno  
Purus ostendit, decus atque rebus  
Redditum est, quales Variata formas

Terra tenebat:

(Nuper heu noxis hominum per omnes  
Ambitus Lunæ, penitus negata his  
Visibus vitæ & pelago innatanti  
Cedere iussa.)

Tunc senex, auctor sobolis future,  
Cespitem instratas pia thura ad aras  
Admouet, iungens precibus probanda

Dona superstes.

Annuat votis Deus, ac benigna  
Voce, sint, dixit, renouata certis  
Cursum, iustos habitura mundi.

Tempora fines.

Iam semel vastis periisse in undis  
Secula brutorum sobolemque Adami,  
Sit satis, posthac potiora tecum  
Fœdera iungam.



FOEDVS IN STAVRATVM.

*Fraude hominum Deus offensus cum concipit iras,*

*Consilij clemens est memor usque sui.*



MISERICORDIAE PROSPECTRICES



In tabulam peregrinationis Abrahæ. 7

ODE DICOLOS DISTROPHOS AD FIDEM. VI.

QVEM tu diua fides virum  
    Viuentem solido pectore finxeris;  
Vulgo & sepositum leui,  
    Arcani imbueris muneribus tui;  
Illum non labor improbus,  
    Ignotæ loci suspicio tremens,  
Aut vrbis memorem suæ,  
    Laudantemue soli commoda cogniti,  
Terret, quominus arduas  
    Iussus voce Dei perficiat vias.  
Quamquam incerta quies loci  
    Non vsquam stabilem contineat domum,  
Iamque exusta caloribus,  
    Iam concreta pigra frigoribus niuis  
Ostentet regio metum:  
    Non sylvæ indomitæ horribiles feris,  
Non præceps fluuij fragor,  
    Non obiecta hominum turba nocentium  
Frangit propositum graue,  
    Quin metam teneat victor amabilem.  
O virtutibus integris  
    Dux certa, & superum viribus amula,  
O quæ corpore languidis  
    Robur sufficere & vim potes integram;  
Tu insperata parentibus  
    Effæto senio pignora prospicis;  
Tu montes trahere, & maris  
    Fluctus disicere, & flumina rupibus  
Insuetas noua per vias  
    Deriuare potes; nam bonus omnia  
Regnator superum tuis  
    Et sese voluit tradere nutibus.



OBEDIENTIA CONSTANS.

*Ille sapit, qui divitias patriamque genusq,  
Qui decus in solo numine proposuit.*

ES. VI



FIDEI DUCI SAC.

C

In



In tabulam tentationis Abraham.

ODE DICOLOS TETRASTROPHOS VII.

SPECTATVM innumeris antè periculis  
Viucis fidei robur , in vltimos  
Incurfus stabilis fufinet Abraham,  
Æternumque meret decus.

Incensus ftudiis , & docilis fequi  
Quicquid vel iubeat vel vetet arbiter,  
Calorum bonus & calicolum fator  
Cui fe fubdiderat pium:

Exhaufi feniij pignora dulcia  
Conceffa , ac fobolis femina poftera,  
Flammis vt properet tradere myfticis;  
Præfens voce monet Deus.

Illum non iuuenis vultus amabilis,  
Hostis qui gladium fifteret , ac manus;  
Nec virtus variis unica feculis  
Turbat , nec pietas patrem:

Orbandæ aut gemitus coniugis , & graui  
Queftu perpetuo difficiles dies,  
Aut immenfus amor continet editi  
Nati non folitis modis.

Promiffam fobolem iuffa negantia , &  
Pugnans pollicitis confilium nouum  
Non fiflit dubium , nec facit exitus  
Spem deponere proferi.

Namque immota fides , cùm femel hæferit  
Deuoto penitus pectore , fufinet  
Quicquid vel fuperum , vel genus inferum  
Vel tentare paret Deus.



FIDEI TESTIMONIUM.

*Nil nisi quod dixit Dominus sapere, hoc sapientum est,  
Et nusquam visum fallere consilium.*

VII.



DEO EXAMINATORI S.

C 2

In



In somnium Iacob.

ODE DICOLOS DISTROPHOS VIII.

QVÆ patribus firmata olim sunt fœdera primis,  
Nouique cœpta ab orbis ante termino,  
Et quæ prima hominum, quæque altera credidit ætas,  
Rudi sed usque peruoluta imagine:  
Hæc eadem iam clara magis, monstrataque cernit  
Suo Iacobus expedita tempore.  
Qui dum humilis, fugiensque minas fratrisque furores,  
Deum vocaret, inque vota posceret;  
Et placido iam membra daret recreanda sopori,  
Labore pressa, mente sed vigil magis:  
En certus docilisque, poli manifesta videbat  
Patentis ampla permicare limina;  
Innixamque solo scalam, quæ vertice summo,  
Poli tonantis alta templa vinceret;  
Multifidoque gradu, terris deduceret imis  
Ad usque tecta fulgidi orbis aurea.  
Illic supremam sedem, pater ipse benignè  
Fouens, tenebat efficace numine;  
Quo vultu solisque ignes, hyemesque niuales,  
Et impotentis impetum maris regit.  
Hæc iter ad superos didicit, certamque patère  
Viam perennis usque ad intima ætheris.  
Iamque oblata hominum generi commercia diuùm  
Videns, fatetur atque adorat excitus.  
Cernit enim aligeros, non agmina rara, ministros  
Identidem altos ferre per gradus pedem:  
Inde hominum terras inuisere, rursus & isthinc  
Tonantis alta commeare limina.  
Tunc pauet agnoscitque domum portamque supernam.  
Opus sed astra quod pererrat vltima,  
Quodque premens terras, præteruolat æthera in arctum  
Vocare carmen & referre sit nefas.



HYMANA DIVINITAS.  
*Cur tanto genus humanum dignetur honore*  
*Dicere, non nisi qui perficere ipse potest.*



DEI PHILANTHROPIAE S.

C 3

In



ODE TRICOLOS TETRASTROPHOS. IX.

VICINA letho provida mens senis,  
 Et iussa patrum tendere ad inferas  
 Sedes piorum, quas serenat  
 Spes patriam recolens supernam:  
 Et iam secundo proxima lumini,  
 Soluenda pressi & corporis artubus,  
 Celiq̃ue promissis adherens,  
 Certa boni memor & futuri;  
 Dilecta prolis pignora postera  
 Bis sena certus nomina conuocat,  
 Speraret vnde & comparandam  
 Sideribus sobolis cateruam.  
 His tum vaganti ac hospitibus domo,  
 Certi nec vsquam compotibus soli,  
 Speranda venturos in annos  
 Acta canit, numeratq̃ue sortes:  
 Et regna, regum & munera, diuites  
 Promittit vrbes, & spolia, atque opes:  
 Gentes, & extinctos tyrannos,  
 Numinis auxilio potentis.  
 Mores nepotum, cunctaq̃ue ab ordine  
 Spectanda rerum secula differit;  
 Servanda praecepta & secundis  
 Temporibus dubiisq̃ue dictat.  
 Responso magni mystica consili,  
 Plenumq̃ue priscis pollicitis opus,  
 Sermone quæ æternam latenti  
 Mentibus insinuant salutem.  
 Ille & sepulchri funera debita  
 Optabat, agris in Iebusum si i,  
 Mansurus electos nepotes  
 Sede piis patribus notata.



FIDES MORTI INSUPERABILIS.

Constituit rerum certos ex ordine fines,  
Vasibus & tradit secla notanda Deus. ○



DEO DOCTORI SAPIENTI. S.



O D E S A P P H I C A X.

NVLLA vis terris, licet uſque denſo  
Fulta conatu, valet imperantis  
Numinis certam variare mentem,  
Conſiliūmue.

Nam ſimul iunctis opibus, manuque  
Stulta mens tentat temerare ſanctos,  
Nescit, ac cæli tamen euehendos  
Suscipit orsus.

Quique deduci monitis ſupernis  
(Quæ iuuant puras recreantque mentes)  
Abnuſit, ſumptis, equus ut, capiſtris  
Voluitur amens;

Ne queat ſacros retinere curſus.  
Impij quondam ſoboles Chameſi,  
Nempe dilectam ſuperis parabat  
Perdere gentem.

Quodque plantarat Deus ipſe cultor  
Germen augendæ pietatis, vndis  
Damnat, & monſtris fluuij tyrannus  
Deſtinat atrox.

Sed nefas horret ſubiſſe Nilus,  
Audit ut flentis pueri querelam,  
Quem dat arcana Deus adminiſtrum  
Eſſe ſalutis.

Ipſe & in fonteis vigil amnis vndas  
Contrahit, parcens properare, & acres  
Continent morſus liquido adnatantes  
Flumine piſces.

Denique iniuſte populator aula  
Qui ſit & vindex generi, nocentis  
Regis ingrato gremio ſouetur,  
Creſcit & ignis.



*Expectare, bonus quid velit ipse Deus.*



D

In



In tabulam Mosis, populi salutem meditantis.

ODE TRICOLOS TETRASTROPHOS XI.

OLIM cupitæ iam nimium diu  
Et mente Moses, robore & integro  
Non vana speranda salutis  
Signa suo generi adferebat:

Quanquam educatus molliter aulico  
Fastu valeret delitiis frui,  
Et verba concepti fauoris  
Vendere, compositumque fumum:

Non vllus amplis doctior artibus  
Certisque belli consiliis prior,  
Æquanda comparare posset  
Nomina principibus supremis.

Sed quidquid alti viribus ingeni  
Fidoue posset robore corporis,  
Totum paterno dedicabat  
Ille Deo & populo suorum.

Horum labores commiserans graueis,  
Promptus leuare ac non timidus mori,  
Proponit audax & doceri,  
Et facere auxiliij periculum.

Vires probare & consilium efficax  
Testis videret (ni foret improbus)  
Qui Ægyptij vidit sepulchro  
Membra dari nimium superbi.

Sed prona fraudi mens hominum suæ,  
Et sæpe certis inuida commodis,  
Exempla monstratæ salutis  
Prodit & auxiliij ministrum.

Hunc regis iras & generis dolos  
Grato cauentem pignore suscipit,  
Seruatque Madianes ad illa  
Tempora, quæ Deus annotarat.



is.

S XL

OPTIO INCOMPARABILIS.  
*Publica cura animos magnos, & pectora tentat:  
Certaq; discrimen corda subire graue.*



SAPIENTIAE ILLUMINATRIGI S.  
D 2

In

14



In tabulam Mosis, rubi incendium mirati.

ODE TRICOLOS TETRASTROPHOS XII.

FLAMMAS innocuas non solitum genus,  
Incensisque rubum frondibus integrum,  
Audax noscere Pastor  
Vel tentare (nefas) caue.  
Quamuis tu Phariis cultior artibus,  
Cælo dinumeres astra nitentia,  
Et res noueris vnus,  
Quas tellus fouet ac mare;  
Humanam fugiunt hæc sapientiam,  
Et nostro positos ingenio modos,  
Queis attingere mundi  
Vix conclusa licet polis.  
Quòd si tantus amor discere, quam nouam  
Mirator speciem conspicias, infimas  
Curas exue terræ,  
Et fastus animi graues.  
Fœdis ne temeres, ah, loca sordibus,  
Quæ cernis sacra sunt plenaque numinis:  
Hæc mente, & pede puro,  
Simplex discipulus petas.  
Hic iam veridica voce docere,  
Quàm magnis valeat viribus efficax  
Ignis, vertere mundi  
Formas, in speciem nouam.  
Namque ille & tenebras, & chaos, & nihil  
Quondam discutiens intulit optimi  
Mundi consona membra,  
Finesque, & varium decus.  
Idem gratus amor perpetuò bonus,  
Flammæ quem specie non temere vides,  
Vitam reddere & almam  
Lucem terrigenis parat.



DIVINAE VIRTUTIS SPECIMEN.

*Fluctibus in mediis & tempestatibus orbis*

*Certa est, quæ charis lux micet alma piis.*



MISERICORDIAE MEMORI S.

D 3

In



In tabulam exitus ex Ægypto.

ODE DICOLOS DISTROPHOS XIII.

ISACI pueri integri

Maturi inualidus cum senibus viri,  
Mixta matribus ac nurus,

Et quantum populi est ordine ab infimo;  
Maturate laboribus

Exire, atque lacu seruitij grauis.  
Aurum, & gemmea pocula,

Argenti & solidi vasa nitentia,  
Textæ & vellera purpuræ,

Et quicquid spoliij possideat ferox  
Diri progenies Chami,

Deuictis penitus diripite hostibus.  
Nec clementia parcere

Cuiquam, nec statuatur pignoribus modum:  
Vestrum nam, pauidi moræ,

Discessum rediment munere quolibet.  
Suetos pondus iniquius

Compulsis humeris tollere sarcinas  
Iam nunc non pigeat graueis;

Et vires cumulent diuitiæ nouas.  
Summi hinc dextera numinis,

Hinc addant animos gaudia publica,  
Sancti hinc auspiciū ducis,

Qui vos è tenebris carceris horridi,  
Duri atque imperio iugi

Ereptos retulit luminis in diem,  
Arcanis meritam diem,

Dignam & perpetuis carminibus coli,  
Vite munia libera

Quæ seruis renouat, quæ populi decus.  
Summi consiliū Dei,

Vos iam magnificis tollite laudibus:  
Iam spem concipite optimam,

Iam sentite, fluant vt leuius dies.



EVANGELII EXEMPLVM.

*Nil non posse datum iis quorum pietasq; fidesq;  
Prompta sequi cedit, qua vocat usque Deus.*



VERBO EFFICACIS AC.



In tabulam maris rubri.

HYMNVS HEXAMETER XIII.

QVA maris vndisoni longo sinuata recessu  
 Littora, diductas propulsant margine rubro,  
 Illic Æthiopum terras, Niliq̃ue vagantis  
 Irriguos campos, Arabum spirantia thure  
 Arua bono, & gemmis illinc palmisq̃ue decora,  
 Diuini præfixa olim monumenta triumphī,  
 Perpetuò stabilita manent, semperq̃ue manebunt;  
 Dum lux, dum calo constant radiantia puro  
 Sidera; & assiduo spirantes agmine venti  
 Aërios repetent tractus, pelagoq̃ue tumentī  
 Constabunt liquidas non irrita iura per vndas.  
 His etenim populos quondam seuumq̃ue tyrannum,  
 (Sacrilegam sobolem Chami, Phariosq̃ue colonos)  
 Militibus Deus euertit, furibundaq̃ue fudit  
 Consilia, atque ipsos immensa strage, nec vllō  
 Seruatos numero, iussit descendere in atras  
 Pallentis lethiq̃ue domos, Erebiq̃ue tenebras,  
 Contento studio summis & viribus ausos  
 Iudicium temerare Patris, cui maxima mundi  
 Corpora concordī parent variantia lege:  
 Quiq̃ue suum populum promissa ad regna vocatum  
 Iusserat, iniustumq̃ue iugum, sæuasq̃ue catenas  
 (Excelsa quæ cuncta manu confregerat ipse)  
 Excudere, & monstrata sequi dictiq̃ue viæq̃ue  
 Signa, reuertentes gratè memoranda per annos.  
 Ergo læta manus, discissas ducta per vndas,  
 Vitalem mirata diem, procul aspicit omni  
 Littore proiectos hosteis, numeroq̃ue carentem  
 Exanimū turbam in pelago, partemq̃ue profundo  
 Coniicit immersam cæno, sabuloq̃ue sepultam,  
 Liberaq̃ue exultat plebes, laudatq̃ue potentis

ACTA DEI, ARCANAEQVE CANIT  
 MONVMENTA SALVTIS.



ARCANA SALVTIS ARGVM.

*Quis voluit prodesse Deus, Natura benigna est  
Omnis, at vlticem fert inimica cohors.*



DEO VICTORI VINDICI SAC.  
E

In



In tabulam acceptæ Legis apud Sina montem.

ODE TRICOLOS TETRASTROPHOS. XV.

QVOD prima nusquam sæcula viderant,  
Vidère cani cum pueris senes,  
Vxorque, nubilisque virgo,  
Turba pauens populusque cunctus,  
Mortalium vti colloquiis Deum,  
Et voce sancti numinis indice,  
Præsentis electæque gentis  
Fœdera participem subire:  
Cum liberatam seruitio graui  
Plebem sacratis montium in abditis  
Doctiorque, dictatorque coram  
Alloquitur, recitatque leges.  
Cui signa præfert sollicitus timor,  
Qui corda miro concutit impetu,  
Clamore pererrumpens tubæque  
Saxa sono, tremulosque monteis.  
Hinc ignis alto deuolat æthere,  
Summi que tractus montis & æra  
Collustrat, vrentesque flammæ  
Congeminat, penetratque cautes.  
Tunc explicatis vocibus, optima  
Præcepta plebes, iuraque suscipit,  
Æquumque, prælucensque verum,  
Fasque pium, officiique normam;  
Legesque certum quæ doceant decus;  
Sed mole monteis concutiant graui,  
Morboque languentis auito,  
Imperio exagitant tremendo:  
Donec potenti numine, cordium  
Illapsus vrat spiritus intima,  
Præstare & expertes pauoris  
Sponte animos meliora donet.



HUMANAE INFIRMITVDINIS EXAM.  
*Lux terris veneranda micat, mortalia sed quæ  
 Lumina præstringens turbet & vsque premat.*



DEO PVRO SANCTO TERRIB. S.

E 2

In



In tabulam collectionis mannæ.

ODE TRICOLOS TETRASTROPHOS XVI.

PENV benigni ex ætheris editam  
Intaminato & munere simplicem  
Miratur annonam legendo  
Plebs alacris, cumulumque magnum.  
Defecta parvis quos tulerat cibus  
Festina sacrum dum sequitur ducem,  
Verbisque concedens supernis,  
Tesqua petit sterilesque tractus.  
Tunc providentis consilio Dei  
Educta turma pennigeræ cohors,  
De rore confectas sereno  
Ambrosiâque, epulâsque promit.  
Nullis parata hac dona laboribus,  
Lentis vel anni cursibus, aut graui  
Quæ sita curarum tumultu  
Lucifer exoriens ferebat.  
Sic dormienti, cui Deus affuit,  
Adaucta rerum commoda cernimus,  
Ædeisque crescentemque longo  
Tempore progeniem parari:  
Dum certus ille, & pollicitis pius  
Credens benignis, non timet ardua  
Ferre, atque quâ ducit vocantis  
Mens, sequitur, peragrâtque certus!  
Hæc esca plenam numinis & manum  
Atque efficacem pascere comprobât,  
Natura seu iussas ministret,  
Siue neget properata parteis.  
Maiores nostris fercula seculis  
Delata puri culminibus poli  
Ponuntur, æternæque vitæ  
Pignora terrigenis petenda.



FIDES NVSQVAM EGENS.  
*Esse homini in terris poterit quæ grata voluptas,  
 Cui divina semel contigit Ambrosia?*



PROVIDENTIAE LOCUPLETI S.

E 3

In



In tabulam Israëuitarum Iordanem transeuntium.

O D E S A P P H I C A X V I I .

NON pauens vanis metus , & viarum  
Qui negat duros tolerare casus ,  
Longa vel deses memorat remoti  
    Tædia finis,  
Sed fides constans animique magni,  
Quæ semel certo radiata verbo,  
Tramitem ostensum subit , atque cæli  
    Prospicit alti  
Templa , lux unde & fauor , ac potentis  
Vis tenax verbi , penetrare prompta  
Turbidi fluctus maris , ac secundo  
    Gratia ductu,  
Illa mirandos superans labores ,  
Quos iuuet quondam meminisse , pulchrum  
Pramium summo positum reportat  
    Culmine victrix.  
Tunc probat sortis memor & prioris ,  
Digna quàm multis fuerint periclis ,  
Quamque contento repetenda cursu  
    Munera dia.  
Sic & Ægypti miseris redempta  
Vinculis felix manus , aduocanti &  
Obsequens verbo , tenuit quietis  
    Regna beatæ.  
Hinc inaccessos trepidare montes ,  
Hinc opes visa est solito priores  
Largius turbæ venienti in vsum  
    Fundere tellus.  
Primus & custos regionis , altum  
Sensit vt numen , renuens morari ,  
Fluminis portam vitream tumentis  
    Pandit Iarden.



## CONSTANTIAE FRUCTVS.

*Felix qui monitisq; Dei verbisq; benigni**Audiit, ille sacra compos erit patrie.*

FIDELI DEO S.



In tabulam expugnatarum gentium.

ODE TRICOLOS TETRASTROPHOS XVIII.

AVDITA quantum vox valeat Dei  
Rerum nouandis cursibus edere,  
Vidère, qui dicto audientes,  
Castra loci tetigere odori.

Insueta terris turma recentibus,  
Vastis neque ampli corporis artubus  
Æquanda cum vulgo tumentum,  
Quos regio tulerat, gigantum;  
Densis sed vnà cum populis tamen  
Exercitati robore prælij,  
Non parua molitos tyrannos  
Consilia exuperavit hospes.

Antiqua namque hos crimina, cum suis  
Damnata prorsus gentibus, vltimas  
Perferre pœnas, atque auitis  
Tradiderant spoliare fundis.

Quos non labore, at numine vindice  
Dux sternit instans. Adsumus, adsumus  
Vltoris æterni ministri,  
Atque suos peragentis orsus.

Vexata tellus fraudibus impiis,  
Prolem nefandi conuomuit Chami,  
Natosque suscepit fidelis  
Hospitis, & memor & beata.

Arcana quo iam nomina maximi  
Doctore primùm numinis audit:  
Qui secla, caelestesque turmas  
Vnus agit moderator æquus.

Turrita iusto mœnia iudici  
Firmata vastis vœtibus, & trabes  
Cessere, & ingenti ruina  
Sponte sua, patuere muri.



ANIMADVERSIO MATVRESCENS.  
*Non gladio aut numero, non vi, sed numinis alii  
Consiliis certis vincere magna datur.*



DEO VLTORI IVSTO S.

F

In



In tabulam terræ distributæ.

ODE TRICOLOS TETRASTROPHOS XIX.

DIFFERTA rerum diuite copia  
Munita densis gentibus, arduo &  
Vallata murorum reductu,  
Regna cadunt pereuntque iniqua.  
Collata quamuis consilia, & manus,  
Et conuocatis fœdera regibus,  
Armisque fulgentes iniquas  
Munierint populi rapinas:  
Solum potentis consilium Dei  
Exors refringi, permanet & quibus  
Audita præmonstrant vocantis  
Dicta viam intrepidè obsecutis.  
Extructa multis oppida sumptibus,  
Implerat auro posteritas Chami,  
Et gemma & ostræ prænitentis,  
Velleribusque, opibusque magnis:  
Sed fraude cæca ac præcipiti dolo  
Quæsitæ, fœdisque vsibus addita,  
Proscripsit integri potestas  
Iudicij dominosque præsit.  
Hec ipse nullis indigus arbiter  
Ducto colono diuidit, & bonos  
Commendat exercere in vsus,  
Non propriæ referenda laudi;  
Valde stupenti tam citò plurimum  
Cessisse regnorum imperium sibi,  
Et ante quàm possent obiri  
Cuncta oculis, potuisse vinci.



PERSEVERANTIAE EXITVS.

*Quis tam multa citò penitus superanda putarit?  
Qui superùm iussis credidit & studuit?*

OS XII



DEO VERACI POTENTI S.

F 2

In



In tabulam cultus antiqui.

ODE SAPPHICA XX.

CONSITIS leto studiosè in agro  
Vitibus magnam posuisse curam  
Principem celi, referendi ad vsque  
Tempora fructus

Scimus, ac doctos variis ministros  
Artibus, certas operas colendo  
Commodè addictos adiisse, magno  
Non sine sumptu.

Hic apros arcet, genus & nocentum  
Vocibus ferroque abigit ferarum:  
Hic fodit; ramos vitio fluentes  
Præsecat alter.

Sarcit & sepes alius reuulsas,  
Damna præsentis subiisse; namque  
Saucius duro cadit in labore  
Sæpe colonus.

Cura sed maior fuit expiandi:  
Nam sacerdotes variante sæpe  
Distinent cultu repetenda cunctis  
Sacra diebus:

Horridine quid vitij precatos  
Occupet, natum aut penitus medullas  
Palmitum carpat, vitiæ tue pestis  
Extera vitem.

Cura quæ humanos renouata morbos  
Arguens, ipsum vocat auferendæ  
Compotem labis, dominum & salutis  
Artificemque.

Ergo vos nostro generi fauete, &  
Aurea ô celi properate secla,  
Victimis cunctis positura finem,  
Seruitiisque.



EXPECTATAE EXPIATIONIS VMBRA.

*Pontificem, quem prisca olim petiere supernum  
Secula, nostra tenent, qui litet & placeat.*



DEO CLEMENTI PLACABILI S.

F 3

In



In tabulam Dauidis ad pœnitentiam reuocati.

ODE DICOLOS DISTROPHOS XXI.

HVMANI ingenij licet  
Solars vaftricies, callidus ac dolus,  
Celet compositum nefas,  
Aut blandè impositis nominibus leuèt,  
Indulgens sceleri suo  
Asperfo nitidis mille coloribus;  
At quæ cor hominum tamen,  
Et renes penetrat, cunctaque prouidens  
Pertingit sapientia,  
Et sermo ignifero fulmine acutior,  
Fallax terrigenas genus  
Arctis compedibus præligat, Ut neque  
Elabi valeant prius,  
Nec celare notam, nec fugere improbi.  
Nam dum mens nimium sibi  
Ignoscit, vitiumque alterius leue  
Intentis oculis videt,  
Exemplo similis iudicij, malis  
Succumbens propriis cadit,  
Et damnata sibi iura subit prior.  
Felix qui metuit vigil,  
Iras ne horribiles Numinis excitet;  
Et vitam peragit piis  
Intentam studiis, & fidei & preci;  
Certo proximus huic gradu,  
Qui contracta mali criminis expiat  
Probra; & qui monitus bonis  
Vatum consiliis, cedere mollior,  
Mentemque & studium mali  
Permutans, facilem sollicitat Deum;  
Offensamque gemens grauem,  
Exclusus, patria suscipitur domo.



POENITENTIAE UTILITAS.  
*Iure perit, qui cunctatur damnare priora  
Crimina, & ad veniam sollicitare Deum.*



DEO MISERICORDI 9.



In tabulam Samuelis.

ODE TRICOLOS TETRASTROPHOS XXII.

RECTVM & merentem plurima nouimus  
Laudis probata præmia iudicem,  
Deuota quem produxit Anna  
Et sterili recreauit aluo.  
Illum exigentem iam spatia vltima,  
Summi & solutum munere consulis,  
Excelsa contentum paterno  
Ramalare ac tenuem recepit.  
Pleno laboris perpetui seni,  
Exercitatos dum recolit dies  
Nil tædiosi turba vulgi  
Excipit arbitrioue fingit.  
Non deferendæ (si saperet magis)  
Sortis prioris, res populi hunc bonum  
Postrema dimisit ministrum,  
Et meminit, gemuitque semper.  
Cuius sacratæ quid valeant preces,  
Sensit marinus cum populis Dagonæ,  
Quos terror æthra fulminantis  
Dissoluit, domitiosque fregit.  
Responsa quondam hic à puero bonus  
Firmare certo numinis indice,  
Exempla duratura veris  
Historiæ posuit libellis.



SIMPLICITAS MVNDO FASTIDITA.

*Nil conscire sibi nudo, summisq; peractis*

*Muneribus, magna hac premia, magnus honor.*

HOS XI



REIPVB. MINISTRO INTEGER. POS.

G

In



ODE TRICOLOS TETRASTROPHOS. XXIII.

ÆTAS beato tempore ducitur,  
 Latosque firmat candida pax dies:  
 Cum ducit, attentusque clauum  
 Versat amans Moderator æqui:  
 Humana rarò nequities tamen  
 (Cum pressit altæ frena potentia)  
 Ne temnat, excedatque metam  
 Propositam, sibi temperauit.  
 Miranda iusto munere regibus  
 Exempla Pastor fecerat inclytus;  
 Nil laudis immensa nitorem  
 Pestifer inficeret cupido.  
 Suscepta fœdi pondera criminis,  
 Inflicta cæco & pectore vulnera  
 Obliviosus, nec dolere  
 Præbet Amor, neque cogitare:  
 Donec veternum pectore ab intimo  
 Soporis alti excussit amabili  
 Sermone Nathan, cui videre  
 Facta Deus dabat & futura.  
 Quis nunc decori consilij potens?  
 Hunc cecat amens gratia principem,  
 Illum sed imprudente dicto  
 Asperitas alienat audax.  
 Felix, carentem stultitia mala,  
 Rex, cui ministrum contigit assequi,  
 Et fraude semotum dolosa,  
 Numinis & studio calentem.  
 Nathan suorum sæcula temporum  
 Scripsit fideli certa volumine,  
 Quæcunque vel gessere reges,  
 Vel populi subiere ducti.



XXIII  
CONSILIOR. INTEGRITAS.  
*Simplicitas, veri studium, obsequiumq, fidesq,  
Grata Deo, & cunctis commoda temporibus.*



HONESTI DOCTORI GRAVISS. P.

G 2

In



In Daudis effigiem.

CARMEN TRICOLON TETRASTRO-  
PHON XXIIII.

DOCTVM *innocenti pectore perpeti*  
*Casus, labores, exilium, minas,*  
*Iras, furores ac superba*  
*Monstra, virum canimus domantem:*  
Decepta cui non fœdera centies  
*Regis minacis & nimium feri,*  
*Ostensa nec vulgi repulsa*  
*Spemque, animique fidem repellunt.*  
Responsa magni & consilium Patris  
*Dum mente certus concipit integra,*  
*Audax vel obiectos per ignes*  
*Ire valet, superatque victor.*  
Cælo minantis, gentibus & feri,  
*Horrenda vasti tempora Golæ,*  
*Affertor atque ultor suorum,*  
*Strauit humi caput & recidit.*  
Vincenda semper prælia, & hostibus  
*Antè inquietis impositum iugum,*  
*Sperare iam primis in annis*  
*Ursa cadens dabat & leana.*  
Incisa quondam marmore duplici  
*Præcepta verbis ac digitis Dei*  
*Curauit, & morem sacrorum*  
*Constituit, celebresque ritus.*  
Idem efficacis munere barbyti  
*Victura dixit carmina, quæ Draco*  
*Antiquus audire obstupescat,*  
*Quæque probet Deus & secundet.*



DIVINAE VERITATIS ARGUMENTVM.

*Otia honesta Deo, cuncta atque negotia summo  
Qua dicat, hac multis vita beata modis.*

TRO-



REGI FORTISS. INTEGERR. PIENTISS. VATI  
DVLCISS. POS.

G 3

In



In tabulam Salomonis.

ODE DICOLOS DISTROPHOS XXV.

QVOTQVOT prisca tulit, quotquot sperare futura  
Reſtores conceſſerit atas,  
Diuitiisq̃ue, opibusq̃ue animi, ſenſuq̃ue profundo,  
Tu Salomon præceſſeris vnus.  
Seu populis dare iura iuuet, ſeu ponere docta  
Virtutis præcepta petendæ,  
Seu cupias animo immenſum penetrare per orbem,  
Ingenio & numerare diſerto  
Naturæ variata modis ſpectacula miris,  
Quæcumque aut radiantia cælum  
Aſtramouet, vel quæ duplici ſpatiantur in vnda  
Plurima monſtra; vel omniparens quæ  
Multiplici profert vtero, atque alit vbere Tellus,  
Cuncta tibi ceſſere petenti.  
Obſtupuit, peregrina tuas conſpexit vt artes  
Gens acris non indiga ſenſus.  
Viſta tuis ſiluiere etiam miracula templis.  
Quæ quondam celebrata ſonabant.  
Quâ patet oceanus, gentes tua carmina diſcunt,  
Et recinunt iuuenesq̃ue, ſenesq̃ue,  
Æterniq̃ue Dei nomen laudesq̃ue perennes,  
Sperandæ & monumenta ſalutis,  
Cetera & arcanis quæ te meditante figuris  
Excelsa Sion audiit arce.  
O Rex, ô felix, nullumq̃ue habiture priorem,  
Vna tibi & proba ſi foret vxor.  
Vltima nempe fuit vox te digniſſima, vanum  
Eſſe, Dei timor vnde receſſit.



HUMANAE SORTIS MENSURA GEMINA.

*Mortales hominēs & re & sermone iuuare,*

*Perpetuum magni est principis officium.*



PRINCIPI SAPIENTISS. PACES REIP.   
 CONSTITVTA POS.



In tabulam Isaiaë Prophetæ.

ODE DICOLOS TETRASTROPHOS XXVI.

REGVM progenies Isacidum, breui  
Te magnum experiar dicere carmine.  
An laudes tacitus dissimulet pudor  
Tantis pro meritis leues?

Quem iam pramonitum grandia dicere  
Purgavit rutilus spiritus ignibus,  
Laturum populo & principibus Dei  
Dieta, & terribiles minas.

Prudens præteriti temporis, ac tui  
Venturique modos, & seriem canis,  
Spectator veluti videris omnia  
Depicta in superum domo.

Quis vatum propior cernere ab vltima,  
Quicquid magnus habet mundus, origine,  
Mores, historias, imperia urbium,  
Cuncta & sæcula gentium?

Humano generi munera calitus  
Demittenda animis, tu bene nuntias:  
Et mæstis releuas corda laboribus,  
Et mentes recreas graueis.

Quæ vis eloquij, quæ ingenij queat  
Exæquare modos, & decus ac tui  
Dicendo rapidum fluminis impetum,  
Sensu & multiplices notas?

Vitæ certa tuo tempora nuntio  
Rex prolata videt, ductaque longius,  
Cum Sol pollicitis additur arbiter  
Decursum relegens diem.

Defuncti celebri muneris exitu,  
Contemptorque trucidis supplicij innocens,  
Palmam promeritus iudicio Dei,  
Magnus diceris ac bonus.



PIETATIS INDEFESSVM STUDIVM.

XXVI.

*Qui Christum non odit, amet responsa legatque  
Amosida: is fiet nam pius & sapiens.*



DIVINAR. RER. INDICI ADMIRABILI P.

H

In



In tabulam Ieremiæ Scriptoris.  
ODE SAPPHICA XXVII.

SPIRITV feruens iuuenis , potensque  
Robore immotæ superare mentis  
Fortium , priscis memorata ab annis,  
Corda Virorum:

Cui nec ignauæ puero iuuentæ,  
Nec sibi tantum decus arroganti,  
Creditur munus prius adparatum  
Matris ab aluo:

Tu doces quantum valeat superni  
Efficax verbum imperij , fideles  
Cum subit mentes , penetrâtque in altam  
Pectoris arcem.

Nam nec immites odiis tyranni,  
Nec furor vulgi miseris iniqui,  
Nec tibi ignotæ expedienda gentes  
Acta retardant;

Quin per insanos hominum nocentum  
Impetus , victor , penitusque compos  
Destruas , vellas , moueas , reponas,  
Ædificesque.

Crescit in duro tibi vis labore;  
Carceris diri tenebras lacusque  
Et famem fortis superas , minasque  
Mortis amaræ.

Sic & obiectos penetrare monteis  
Nouit , ac rupes , & adacta in altos  
Turrium ascensus monumenta , clari  
Fulminis ardor.

Integrum ac fortem celebremque dictis,  
Quem sua inuisum malè presserat gens,  
Seruat , & cultu meliore Princeps  
Suscipit hostis.



HONESTAE INDOLIS DECURSUS INTEGR.

*Quid non ferre potest, quid non superare, supernis*

*Qui se permisit nutibus ac monitis?*



LEGATO STRENO FORTI POS.

H 2

In



Intabulam Danielis Prophetæ & historici.

ODE TRICOLOS TETRASTRO-  
PHOS XXVIII.

EXTREMA prisca secula temporis  
Videre vatem regibus omnium  
Narrare præscriptam dierum  
Historiam, seriemque longam:  
Quas nec vagorum conscia siderum  
Chaldaea, iactans dicere gentibus  
Voluenda venturos per annos,  
Explicuit, tetigitue prudens.  
Huic providentis consilij Pater  
Donavit orbis ponere mobilis  
Decrêta, mortalesque rerum  
Atque hominum imperiique metas.  
Non ille, quamvis inferior modis,  
Priscique Vatum luminis vsibus,  
Rerum vel impar mole scriptor,  
Vel minor eloquio fideque:  
Seu iussa Vates somnia detegat,  
Seu visa rerum signaque præcinat,  
Abstrusa seu doctor notarum  
Perlegat euoluâtque sensa.  
Hunc flamma, cautes aptior vrere,  
Seua & Leonum pertimuit fames:  
Concessit huic peior nocendo  
Invidia imperiumque præceps.  
Miranda sacro scripta volumine  
Auctor relinquit, postera quæ legat  
Ætas & attendens laboret,  
Ac memori probet ore Christus.



IN TEMPESTATE SVBSIDIUM.

*Qui nouit metuitq; Deum, discrimina nulla  
Ille timet, nil non scitq; probatq; boni.*



VATI FORTISS. TEMPERANTISS. POS.

H 3

In.



In tabulam Esdræ scribæ.

ODE DICOLOS TETRASTROPHOS XXIX.

PERSARVM populo & regibus inclytis  
Dilectum Arsacides ingenium, tuoque  
Optatum generi lumen, amabile  
Cæloque & superis caput:  
Esdra ôprogenies pontificum sacra,  
Expectatum auidè qui Phineæ vetus  
Exemplum reuocas, moribus integris  
Præstas & sapientia.  
Redduntur Solymis te duce principes,  
Longo quos Babylon carcere presserat:  
Vasa & sacrilegum quæ rapuit manus,  
In sanctam referunt domum.  
Quamuis difficilis non solitos viæ,  
Ignauosque metu, atque hostibus improbis  
Inuisos memori consilio viros  
Ac dictis reficis bonis.  
Dum deuota Deo te duce mœnia  
Sionis subeunt, quâ populus frequens  
Festiuo sociat plurima carmine  
Templis dona recentibus:  
Illic & vituli sanguine feruidi  
Aras & Libani tingis odoribus:  
Et vota incolumis persoluens tuæ  
Genti concilias Deum.  
Infamata malis secula nuptiis,  
Admissumque nefas moribus expias,  
Antiquasque iubes discere, & asseris  
Leges, & patrium decus.



PROVIDENTIA INSTAVRATR.

*Esdra sancte vie doctor, populique magister,  
Tu monstras rectum quid valet officium.*

XXII



SCRIBAE SAPIENTISS. PAT. PATRIAE.



In effigiem D. Matthæi.

ODE DICOLOS DISTROPHOS XXX.

QVI modò inexpletos loculos , fiscumque pacem  
Assiduusque tenaxque premebat;  
Quique abaco intentus , tabulisque vacabat auaris  
Nummorum captator anhelus;  
Quem cupidum variis aliena pecunia curis,  
Insidiatorémque timebat;  
Quem tenuere via , mercatus , flumina , portus,  
Multiplicis quoque fœnoris ardor:  
Hic subito magni mutatus voce magistri,  
Discipulum comitémque vocantis,  
Diuitiarum & compositi neglector acerui,  
Iam libros forulósque relinquit.  
Gaudet sorte noua Leui, nuperque perosam  
Pauperiem præfertque , colitque.  
Nec socios , famulos , infestaque vincla propinquos,  
Rumores vulgîue loquacis,  
Nec quacunque bonis obstant contraria votis,  
Cogitat incipiénsque volutat.  
Nudus , inops , meliora petit compendia rerum,  
Diuitias meditans potiores:  
Quas nec tempus edax , nec fraus , nec perdere possint  
Inuidiæ commenta malignæ.  
Edoctusque nouas rationum scribere formas,  
Duratura volumina complet:  
Atque notas , numeros , damnosaque nomina delens,  
Gesta Dei patrésque reponit:  
Exemplo scriptis que probans quàm splendida Iesu  
Gratia sit virtusque docentis.



DIVINA VOCATIO.  
*Noctes atque dies dictata legenda, nec ullo  
Tempore non nobis commoda scripta vides.*



EVANGELII TESTI FIDELI P.  
I

In



In effigiem Marci Euangelistæ.

ODE DICOLOS TETRASTROPHOS XXXI.

ET TE, Marcepater, carminis ac lyræ  
Laudes perpetuis temporibus decent,  
Quas Nilo resonent mœnia proxima,  
    Illustris Macedum labor:  
Et quas multiuagis littoribus mare  
Exultans referat, qua lauat, aut secat  
Quicquid tergeminis Lamecides soli  
    Natis disposuit pater.  
Nam nec te assiduus culta laboribus  
Terret discipulum religio recens,  
Nec lassat comitem casibus aut via  
    Aut ponti senior Cephias.  
Tu Christi gregibus credita munia  
Pascendis, studio perficis arduo:  
Ægyptumque colis, iactaque semina,  
    Quæ seuit Petrus, irrigas.  
Quin & tu exiguo magna volumine  
Arcani reseras munera nuntij,  
Atque vnus propriis temporibus breuem  
    Aptas principio notam.



SAPIENTIÆ COMPENDIVM.

*Parue liber, quid tu doceas, non percipit omnis  
Mundus, at id mites percipiunt animi.*

XXXI.



CHRISTIANÆ VIRTUTIS OBSERVATORI P.

I 2

In



In effigiem D. Lucae.

O D E S A P P H I C A   X X X I I .

QVI salutari recreabat arte  
Membra languenti vitiata morbo,  
Nunc recuranda meliora menti  
Munia tractat.

Namque ubi magni monitis magistri  
Doctus, humanae didicit ruinae  
Tempora, & causam, & reparantis aevum  
Vimque modosque,  
Novit & certo propius periculo  
Quid mali Christus releuare morbi  
Posset: exultans animum supernas  
Vertit ad artes.

Ille inaccessio repetens ab ortu  
Gesta mirandi genus atque Christi  
Scribit, & quantum renouarit almus  
Spiritus orbem.

Additus Paulo socius ministro,  
Et comes fidus pelagi ac viarum  
Subleuat grato officio labores,  
Testis & index.



LVX EXPEDITA.  
*Vsus erit magna mentis linguaq; disertæ  
Optimus, in sacros incubuisse libros.*



Hayler. f.

VERITATIS EXPOSITORI DISERTO P.

I ;

In



In effigiem D. Ioannis Eúangelistæ.

ODE DICOLOS DISTROPHOS XXXIII.

QVIS te mente noua potens

In calum iuuenem spiritus arripit,  
Plenum numine uiuido?

Vt mundo referas progeniem Dei,  
Cælatam patribus prius,

Obscuræ adeò nomine cognitam.

Namque & te puerum nouis

Annis ingenio nouimus haud propè  
Tantis muneribus parem.

Non humana tibi discipulo dedit  
Ars vel scire, vel eloqui,

Quæ nullis emere aut diuitiis queas,  
Aut longo studio sequi:

Quamquam Socraticos admoueas libros,  
Et quæ porticus inclyta

Arguto repetit dicta volumine.

At te non hominum reor,

Sed magni monitum consiliis patris,  
Percurrisse poli vias,

Arcana & docili credita pectore,  
Quæque orbis stupeat pauens,

Incepisse nouis dicere vocibus:

Dum te testibus è tribus

Dilectum penitus præcipuum parat.

Qui ventis tumido & mari

Viua voce potens imperat, efficax  
Morbos pellere, & inferis

Excepisse hominum de tenebris genus.

Ille & te sibi conscium

Quàm magna efficere, & quæ valeat pati,  
Iunctum sanguine deligit.

Te matri moriens substituit suæ,  
Charo vt nomine particeps,

Commissi foueas officij vicem.



## ABSTRVSA SAPIENTIA.

*Quod legis, haud paruum est, superat terramq; polumq;  
Si petis hoc, dabitur nosse, sed exue te.*



ARCANOR. INDICI PENITISS. P.



In tabulam nuntiationis Zachariæ factæ.

ODE TRICOLOS TETRASTROPHOS XXXIIII.

DICTVM ex secundis alloquiis Dei

Tempus nouandi fœderis adfore,

Anni recurrentes tulerunt

Secla viris adamata iustis.

Ætatis almæ principium bonum

Legatus alto detulit æthere

Demissus, assuescensque terris

Sese hominum facilemque præbens.

Aris sacerdos thura calentibus

De more pura dum prece consecrat,

Mortale nil præ se ferentem

Vultu habituque virum tuetur.

Hic abnuenti credere iam seni

Prolem paratam nuntiat, & nouum

Vxoris annosa tumorem,

Quem populi videant stupentes.

Ignara luxus, criminis & mali,

Infantis almi pectora crescere

Prædicit, & primis ab annis

Mentis opus meditata magnum.

Præsentis amplo munere spiritus

Hic septa certæ sollicitus viæ,

Turbata curator probandis

Partibus & studiis reponet.

Qua vita possit, quaque peti salus,

Admissus ultro qua veniat Deus:

Nec spernet hic vates colonum,

Nec metuet fera sceptræ regum.

Hæc in reductis quæ videt abditis

Flamen, moratus plus solito, nequit

Cum prodit, admirante turba,

Prodere, nec potis est negare.



FELICIS SECVLI INITIA.

*Quid deceat, quantum expediat, quo tempore, nunquam  
Delige: permittas ut probet ipse Deus.*



DEO CONSVLI PERP. SAPIENTISS. S.

K

In



In tabulam Annuntiationis.

ODE SAPPHICA XXXV.

*VIRGO, quam magni moderator orbis  
Excipit charam, penitusque raris  
Instruit donis, propriam sibi que*

*Deligit almus;*

*Omnibus, salve, numeris beata;  
Nam tui proles vteri supernis  
Viribus præstans misero salutem  
Proferet orbi.*

*Vnus ex certis superum ministris,  
Hæc Galilææ retulit puellæ,  
Cui parem nullis habuere mundi  
Tempora seclis.*

*Illa se tantis referens minorem  
Laudibus, causam stupet, atque supplex  
Postulat magni veneranda verbi ar-  
cana doceri.*

*Atque vbi summi didicit parentis  
Mentem, & occultas operantis almi  
Spiritus vires, seriem, modosque  
Audiit ardens;*

*Nil moror, dixit, Domine ô colendum  
Gentibus nomen, tibi me tuisque  
Protinus certam tenuisse dictis  
Annue felix.*



RER. NOVANDAR. EXEMP.  
*Quis sic Virgo Deum proprium tibi, sicq; benignum  
Præstitit? eximia in simplicitate fides.*



DEO ELECTORI SACR.

K 2

In



ODE TRICOLOS TETRASTROPHOS XXXVI.

V T vultus roseæ virginis aureos  
 Vxor Leuitici Pontificis videt,  
 Segni cuius in aluo  
 Vatum flos latet abditus:  
 Vires atherei pectore flaminis  
 Persentit placidis vocibus excita,  
 Pacemq; hospitis alma  
 Gratis laudibus excipit.  
 Quæ tam fausta mihi munera numinis  
 Vltro, non meritis hospitibus Dei  
 Adduxere parentem,  
 Dignam calicolum domo?  
 Ergo sacra tuam diua modestiam  
 Auget tanta etiam gloria? cui scio  
 Nullam in matribus esse,  
 Nullam in virginibus parem.  
 Nempe immensa Dei pignora talibus  
 Consistunt potius sedibus, inuidas  
 Auersata potentum,  
 Magnatumq; superbias.  
 Nam quod tu facili pondere perferas,  
 Quem nec sustineant sidera, nec queant  
 Percepisse patenti  
 Mundi mœnia cardine;  
 Effecit vacuum fastibus & dolo,  
 Contemnensq; sui pectus, & ignea  
 Semper docta, superno  
 Consentire fides Patri.  
 Agnoscunt utero quem foueas tuo,  
 Testanturq; nouis vocibus omnia,  
 Valles, flumina, sylua  
 Quocunque extuleris pedem.  
 Quin ipse officij muneribus tui  
 Gratus letitiam personuit piam  
 Aluo quem gero fœtus,  
 Et mentem cumulat mihi.



PIETATIS CONCORDIA.

*Gaudia, diuitiasq. Dei communia multis  
Esse cupit, quisquis numinis instar habet.*



FORMINAR. SANCTISSIMÆ P.

K 3

In



In tabulam Ioannis Baptistæ.


CARMEN DICOLON TETRASTRO-  
PHON XXXVII.

ASTRVM nascitur insito  
Fulgens lumine, quem Deus  
Solis paciferi indicem  
Terris præstitit almus.  
Hunc in montibus arduis  
Ex angui in senio parens,  
Mirandis puerum & modis,  
Mirando edidit ortu.  
Salutis ferat vt noua  
Læto tempore nuntium,  
Et testis bona gratie  
Magne sæcula monstret.  
Vos quæ diligitis Deum  
Matres, vos quoque virgines,  
Infanti properè nouo  
Laudum nec tite ferta.  
Nec componite mollius,  
Quamuis membra tenerrima;  
Assuescat, finite, aspero  
Iam nunc vita labori.



A V R O R A   D I E I   N V N T I A .

*Dona Deus quanto soleat splendore parare,  
Si quisquam obseruet tempora, testis erit.*



D E O   P R O S P E C T O R I   S A C R .



In tabellam natalis Iesu.

NATVRAE HVMANAE NAENIA XXXVIII.

VIRGINEO splendens infans vt prodiit aluo,  
Atque illæsa dedit templa pudicitiae:  
Quæ iam vteri intacti stupuit NATVRA tumorem,  
Nunc pauet insolitum læta puerperium.  
Atque nouum mirata genus, variis quoque gaudens,  
Blandidulos fertur concinuisse modos.  
Excellis mea iura puer, quòd gigneris, aut quòd  
Nasceris; at meus es quòd puer & tener es.  
Ergo me superas, sine me qui nasceris infans.  
Quod si me superas, es puer ergo Deus.  
O puer & certè Deus, ô mihi iungeris, vt te  
Partibus excipiam, muneribusque meis.  
O Deus, & verè puer, ô tibi iungor, vt aucta  
Amplius ipsa tuo numine perficiar.  
Accipies ex me curam puer, atque labores,  
Mortis onus (tibi sic quòd placet) accipies.  
A te ego, sed pacem Deus, accipiamque salutem,  
Et posse aeternæ rumpere vincla necis.



XXVII

SOL IUSTITIAE EXORIENTS.

*In tenebris fulgens lumen divinae dona  
Simplicitas cernit : non videt ambitio.*



HUMANAE SORTIS SUSCEPTORI DEO HOMINI S.

L

In



In tabulam circuncisi Iesu.

ODE TRICOLOS TETRASTROPHOS XXXIX.

QV I s te, sancte puer, flere doloribus  
Maturis docuit? scilicet æthere  
Descendisse iuuabat,  
Vt discas gemitus nouos?

Sed tu de patriis sedibus omnium  
Spectator fueras, quos patitur genus  
Nostrum sidera subter  
Ærumnæ miseros modos.

Ergo spontè venis præsciis, & cupis  
Riuos purpurei fundere sanguinis,  
Non ut ciuibus æthræ  
Nomen connumeres tuum:

(Nam tu perpetui regna tenes Dei:)  
Ast ut propositis legibus audiens,  
Serui munere functus  
Adscribas homines polo.

Fies perpetuis ex humili loco  
(Quem tu spontè subis) laudibus altior  
Cælo; terraque nomen  
Infernusque tremet tuum.



CHARITAS NIHIL RECUSANS.

*Qua tu hominum puro sancturus fœdera cordi es,  
Hæc in carne tua commemoranda subis.*

XXXII



PRINCIPI SVM. PRO REIP. LIBERTATE SER-  
VIENTI S.

L. 2

In



In tabulam adorationis Magorum.

ODE TRICOLOS TETRASTROPHOS XL.

VT *Pisghæ in altis ætherei iugis,  
Selmonis aut de culmine candidi  
Surgentis auroræ salubris  
Conspicitur prior vsque fulgor;  
At quisquis errat Vallibus infimis,  
Caliginosis nubibus obsitus,  
Hic nocte in atra nescit amens  
Purpurei radios diei:  
Sic dum Tyrannum cum populo leui  
Exercet amentem ambitio impia,  
Præsentis aduentum salutis  
Non Solyme malè ceca sentit.  
Sed qui remotos Persidos incolit  
Parthosque tractus, hic alienior  
Splendoris exortum sereni  
Prospicit, & veniens adorat.  
Ostensus astri latior aurei  
Non antè fulgens stellifero in polo  
Conspectus ignis, innouandi  
Auspicium referebat orbis.  
Ergo peractis iam spatiis viæ,  
Contingit hospes mœnia nuntius,  
Qui dicat aduenisse regem,  
Gentibus & populis colendum.  
Quem mox repertum latior & Magus  
Miratus, vltra quàm soleat puer  
Mortalis, ostendisse sanctum  
Vultum oculis animoque cernit.  
Hinc prouoluto pectore & oscula  
Infantis addens tum pedibus noui,  
Testatus aduenisse numen,  
Munere tergemino salutat.*



G E N T I V M L V X.

*Quae colit, agnoscitq; Deum, sapientia vera est.  
Quem latet hoc, rudis est, quamlibet alta sciat.*



DEO IMMORT. HOMINI VEROREGILIBERATORI S.

L 3

In



In tabulam Iosephi in Ægyptum commigrantis.

ODE DICOLOS DISTROPHOS XLI.

DIC mihi quò tenellam  
Virginem (nam virgineum conspicio decorem)  
Frigore seniente,  
Hospes incessu fugiens sic properante ducis?  
Quod pueri decori  
Nomen est? cur surripis hunc athereo parenti?  
Namque tuum puellum  
Esse mortali genere progenitum refutant  
Digna Deo tonante  
Ora maiestasque oculis in teneris renidens.  
Quam nemus & silentes  
Vocis alma vim venerantur, capiuntque sylva,  
Attonitumque flumen  
Sistit undas precipites blandisono susurro.  
Vera rogas, perennis  
Est Dei natus puer, intactam habet is parentem  
Virginem: ego huic Ut illi  
Traditus custos monitis aligeri ministri  
Mœnibus è cruentis  
Pignus en sacrum abripio, ne violet ferocis  
Inuida vis tyranni,  
Ad Phari abiunctas properando procul exul oras:  
Pignore quo salutem  
Sperat humanum genus, & quo reparanda primi  
Damna parentis, & quæ  
Dona nobis Numen erat pollicitum benignè.



antis.  
XII.

DIVINA TUTELA.  
*Præsidium in mediis Deus inuenit hostibus huic qui  
Sese habet; à patria sit licet exul humo.*



PRINCIPI OPT. PRO SVIS EXVLANTI S.



In tabulam Iesu in templo reperti.

ODE TRICOLOS TETRASTROPHOS XLII.

DVM virgo casti sollicitis viri  
Adiuta curis, querere filium  
Desideratum condolenti  
Voce rogans loca cuncta lustrat:

Fulgente solis lumine tertij,  
Templi in reductis adibus inuenit  
Inter senum eruditiorum  
Non tacitum puerum cathedras.

Confusa circum turba stupentium,  
Responsa fixis combibit auribus,  
Mirata maturum loquentis  
Consilium ingeniumque princeps.

Quæ tanta vis, quid pectore numinis  
Cælestis, aiunt, in tenero latet?  
Quis verba deuoluens diserta  
Spiritus ore mouet tenello?

Miranda certè audiuius omnia,  
Quondam neque ipsis nota Prioribus.  
An'ne? hunc putemus hæc magistro  
Ex homine aut didicisse libris?

Atqui & profundis consiliis Dei  
Præsens videtur nunc animo frui,  
Inde & relatos explicare  
Quos rogat insinuatque sensus.

Aut illa cælo, non nimium diu est,  
Mens venit, artus induit & novos,  
Vocesque promens efficaces  
Se puerumque Deumque præbet.



GRATIAR. THESAURVS.  
*Divina studium Sophia pulcherrima vita  
Esse, puer, nobis munera, sancte, probas.*

XLII



DIVINITATI EMICANTI S.  
M

La



ODE TRICOLOS TETRASTROPHOS XLIII.

VOCE M, salutis quam fore nuntiam.  
Dixere priscis temporibus p̃i  
Vates, Iarden obstupenti  
Flumine percipit vsque primus:

Quando efficacis fulminibus soni  
Commotus omnis contremuit locus,  
Quacunque distinguunt iacentes  
Æquora Gilghediusque terras.

Hanc & colonus gentibus impiis  
Vicina iungens prædia, combibit  
Non aure surda, hanc ipsa Iudæ  
Posteritas, Solymumque ciues.

Deducta cælo tempora gratiæ,  
Mistas & altis pollicitis minas,  
Mirantur omnes, ac loquentis  
Vultum habitumque hominis seuerum.

Namque is fidelis credita munera  
Legatus, alti & consilium Dei  
Dum præco complet, nec potenteis  
Suspicit aut metuit tyrannos:

Ostendit vnam & perpetuam sibi  
Curam, docendo sistere deuios  
Ad limen angustum salutis,  
Atque ducem cecinisse certum.

Oblata non huic gloria commouet;  
Non durus ensis propositum graue;  
Id quippe monstrabat seueræ  
Frontis honosque habitusque vitæ.



LVCIS DIV CORVSCATIO.

*Certa reducendis animis pereuntibus atque  
Clara via est, morum cum probitate fides.*



SALVTIS NVNTIO GRAVISS. P.

M 2

In



In tabulam Christi in Iordane baptizati.

ODE TRICOLOS TETRASTROPHOS XLIIII

QVÆ festa lux hæc, dicite montium  
Sylvæ? quid alto gaudia personant  
Clamore rupes, quas imago  
Percipit, ingeminatq; voces?  
Quæ tanta præceps pennigerum genus  
Exercet alis cura micantibus,  
Cæli per oras atque acutis  
Cantibus instrepitare cogit?  
Iam gestientis latitiæ decus  
Quæ causa nuper proferat audio,  
Trini quod inspectanda terris  
Numinis emicuit potestas.  
Hic nam nitenti lumine spiritus  
Delapsus alti culminibus poli,  
Candentis aspectum columbæ  
Præbuit, auricomumq; lumen.  
Et vox ab æthra personuit patris  
(Quam densa sylvæ contremuit coma)  
Audita, præsentemq; natum  
Dicere, & hunc populis magistrum.  
Hunc, quem neque alti conscia numinis  
Natura nostrisq; ulterius modis  
Virtus refulgens administrum  
Esse hominum generi retardat.  
Hic se minori subdidit hospiti  
Amne abluendum, purus & innocens.  
Nec ipse quamvis usque compos,  
Id quod erat, tamen efferebat.  
Illum stupenti fluminis alveo  
Gaudens Iården suscipit, humidis  
Complexus vlnis, & loquaci  
Murmure concelebrans salutat:  
Et quæ secundo perfluit agmine,  
Sacrata denso membra volumine  
Circundat hærens, & priorem  
Vnda sequens premit invidendo.



MODESTIÆ ORNAMENT.  
*Non decus ipse suum iactat natus; pater ipse  
Adscribit: vera hæc gloria, nulla prior.*



CHRISTO DEI FILIO PRONVNCIATO S.

M 3

In



In tabulam Tentationis.

ODE DICOLOS DISTROPHOS XLV.

*SYLVIS in mediis agmina celitum  
Cernebam famulas adproperantium  
Exercere vices lætaque floridis  
Mensis fercula ponere.*

*Dumque ipse insoliti contremo muneris  
Spectator ardens discere, maximæ  
Causam lætitiæ, cuique decus novæ  
Cænæ præniteat, rogo:*

*Vnus pennigerum de iuuenum choro,  
Scitanti hæc alacri pectore reddidit,  
Cui mox tota cohors per iuga montium  
Blandis accinuit modis:*

*Hic index superum maximus excipit  
Natum Nazaridos virginis, & suum,  
Quem nunc tergemini gloria frondibus  
Victorem decorat sacrum.*

*Hunc nec longa fames, tesqua nec aspera  
Monstrorum horrificis densa cubilibus,  
Non horror gelidæ noctis amabili*

*Intentum alloquio ad patrem  
Turbavit: sed & hic sustinuit volens  
Usque inuictæ animo prælia, quæ ferox  
Tentator solitis artibus, ac dolis  
Audaci intulit impetu:*

*Qui partem superum traxerat insolens  
Fallaci studio præcipui loci,  
Cui primos homines seclaque postera  
Vnum subdiderat nefas.*

*Nunc victus triplicis pondere prælij  
Vertit terga gemens, armaque & omnibus  
Posthac discipulis expositas vias  
Vincendi dolet improbus.*



SCRIPTURAR. UTILITAS.  
*Legitimè certare queas, & viceris hostem  
Instructus verbis consiliisq. Dei.*



CHRISTO DVCI INVICTISS. S.



Intabellam signi à Christo in Cana editi.

O D E S A P P H I C A X L V I.

*QVÆ pater mundo posuit recenti  
Iura sacratæ thalami deditque  
Iuncta concordî sociare vitæ*

*Munia lege;*

*Illa præsentî patris ipse natus  
Numine antistes decorata, firmat,  
Fausus & gratas epulas benigno  
Comprobat usu.*

*Sic & arcanis sociare tædis  
Gentis humanæ genus expetitur,  
Et sibi magnis emere adiugandum  
Dotibus ardet:*

*Possit ut nostræ recreata gentis  
Iuncta diuino soboles marito,  
Splendidi sedes habitare cæli  
Regnaque diuûm.*

*Prima miratrix Galilea Canas  
Obstupet testis renouata rerum  
Munera, & magnum probat esse Iesu in  
Pectore numen,*

*Dum videt certas variare formas,  
Iurat & prisca latices Noachi,  
Fonte quas nuper vitreo fluentis  
Hauferat vndas.*



NATURÆ INNOVANDÆ ARGV M.

*Sordet quicquid habet mundus cum munere Christi  
Collatum; nec iam quæ placuere valent.*



CHRISTO CVRATORI BENIGNO S.  
N

In



In tabulam Christi prædicantis Euangelium.

ODE DICOLOS TETRASTROPHOS XLVII.

PRODVCTVM populis de sapientia

Patris consilium filius incipit

Enarrare, bonus dicere & algida

Dictis vrere pectora.

Nam qualis calido lumine ab ætheris

Alta sede humiles sol penetrat domos

Terrarum, variis que exagitat potens

Tentatas species modis;

Cum plumbi & chalybis grandia semina

Concresecunt validis æta vaporibus,

Sed ceræ faciles & teneræ niues

Decursu fluido liquent:

Talis sermo Dei mentibus inditus,

Obdurata premens æra superbiæ,

Marcentes animos sed dociles fouet

Vitæ munere prospero.

Non cæca ambitio, non amor improbus

Rerum quas studiis appetit vltimis

Vulgus, non animi luxuries capit

Sancti commoda nuntij:

Sed quos dura hominum sollicitant mala,

Vel vitam puduit ducere turpibus.

Infectam vitiiis, vel timor obligat,

Cura & iustitiæ tenet.

Hi (quanquam exiguum) pectore viuido

Semen concipiunt quod cumulos creat,

Queis æterna parens horrea compleat,

Et diuum exhilaret choros.



XLV.  
DIVINAE DISCIPLINAE SCHOLA.

*Quas fugitat mundus rerum sunt commoda tanta?  
Sic est: sed stultis non sapit ista seges.*



SIMPLICIUM DOCTORI OPT. S.  
N 2

In



In tabulam Christi Apostolos legantis.

O D E XLVIII.

SAECLORVM veterum, præscripto ex ordine, finem  
Certa Deo voluentibus annis  
Tempora protulerant; hominum quoque magna per orbem  
Strata seges matura iacebat;  
Agricolam iam cana suum cùm terra vocaret,  
Et falcem expectaret acutam,  
Redderet vt foetas seruandi farris aristas,  
Sed culmos quoque rursus inanes:  
Tunc Domini messis natus, summusque minister  
Orbis imago auctorque nouandi,  
Selectorum operi tanto, duodena virorum  
Ora tuens, sic fatur amicè:  
O mihi præchari comites, sociique laborum  
Arcanique sacraria magni,  
Non vos parua manent discrimina, vertere missos  
Terrarum moremque modumque:  
Queis maris horridi fluctus, ac dura viarum  
Sunt adeunda pericula sæpè:  
Non vt Erythræas gemmas, ostrumque superbum,  
Numorumue paretis acervos;  
Sed magis vt nudi atque inopes, patriaque remoti,  
Vexati, instabilesque, vagique  
Vulpibus infestisque, lupisque rapacibus, agni  
Imbelles, blandaque columbæ  
Sitis, lux tenebris, nimiumque furentibus agris  
Fomentum medicique fideles.  
Ite igitur fortes, & me duce & auspice magni  
Consilium curate parentis.  
Æthereas sperate & opes, æternaque sedis  
Sceptra meæ, & conuiuia mensæ.



L A E T I S S I M A O R B I L E G A T I O .  
*Fortia debilibus superantur, maxima parvis:  
Viderat hoc demens mundus, & obstupuit.*



MAGNI CONSILII NVNTIO SVMMO S.  
N 3 In



In tabulam Christi turbas pascentis.

ODE TRICOLOS TETRASTROPHOS XLIX.

EXPLETA mensis turba capacibus  
Non antè viso munere feruli,  
Cognouit æterni magistri  
Quantum agitet, valeatque cura:

Cùm panis atri, & quæ facillè puer  
Perferre possit pondera piscium,  
Creuisse Christi partientis  
In manibus stupefacta cernit.

Cibos an ipsos diuidat, an magis  
Masse imparatam materiem creet,  
Cognoscere haud queunt ministri,  
Ferre onera, & renouare lassì.

Seruanda cœnæ quæ fuerant super  
Dum frustra iussi expendere, colligunt;  
Mirantur impensam negantes,  
Compositum cumulum canistris.

Et iam palato multiplici satur  
Conuiuia, iurat nil sibi dulcius  
Sedisse transactos per annos,  
Nil melius potiùsue vitæ.

Quis non malarum stulta cupidinum  
Depõnit ardens & studia, & graues  
Curas habendi, si benigni  
Verba auido bibit ore Christi:



PROVIDENTIA CERTISSIMA.

*Si potiora Deum poscas, nihil indigeas: si  
Deteriora petas, nil satis esse puta.*



HUMANAE INFIRMITATIS CURATOR. S.



In tabulam Lazari ab inferis reuocati.

ODE DICOLOS DISTROPHOS L.

VIRTUTIS altæ publicum spectaculum  
Christus daturus iam suis;  
Docturus & quantum ardeat mortalibus  
Afferre vitam perditis:  
Vinci suum absens pertulit charum caput  
Lethi sopore Lazarum,  
Dum notus esset gentibus casus viri  
Signum futuri viuendum.  
Cui membra tabo rancido fœdauerat  
Quartus sepulta Lucifer,  
Hic efficaci percitus Christi sono,  
Quem mors & inferi expauent,  
Surrexit atro de sepulchric carcere,  
Lethi remissis vinculis:  
Testatus ardens ferre quid possit fides,  
Quid donet & nato Deus.  
Nato & salutis nuntio, quem temporum  
Prospiciat ordo principem,  
Ipsi quoque orbi iam senescenti malis  
Letos tributurum dies.



E I D E I M O M E N T U M.

*Non moritur quem Christus amat, potiusq; quiescit.  
Ille citò, quem vult, euigilare facit.*



VITAE AVCTORI EFFICACISS. SAC.

O

In



In tabulam Christi regis Ierosolymæ declarati.

ODE SAPPHICA. LI.

PVLCHRIOR nunquam, licet vsque fastos

Iebusum à priscis repetas colonis,

Sol prius luxit Solymùm beata aut

Gratior vrbi;

Quàm peroptatis vbi tempus annis

Obtulit magni faciem videndam

Regis, arcano cecinere qualem

Carmine vates.

Cui dedit nutu pater efficaci

Pellere infanda mala damna fraudis,

Et noua ingrato retulisse mundo

Sacula vitæ.

Hunc ut exceptum populi valerent

Cernere, & certis celebrare signis,

Vexit insuetus iuga ferre lentæ

Pullus asellæ

Principem, non ut quibus intumentis

Folle ventosum vitiosa pectus

Vrget, infestis populo, cupido

Ambitioq̃.

His potestatum specie superba

Arrogat laudes metus, atque honores,

Multa mentitos malè blandientis

Munera lingua.

Huic sed æternos meruere plausus

Dona doctrinæ memorata diuæ,

Atque morosis medicina præsens

Addita morbis.

Vidimus castos pueros canoro, ac

Virgines Regem coluisse versu,

Et salutarem meminisse, & alto ex

Aethere missum.

Quin & in fonteis olea virentis

Pacis auctori pia turba frondes

Spargit, & vestes properat, cupitq̃

Sternere eunti.

Nam probat sanctum potiusq̃ dignum

Euehi iunctis humeris colentum,

Quem Deus terris iubet esse regem,

Pontificemq̃.



SALVTIS PROPOSITIO.  
*Christum spontè tibi venientem suscipe mitem.*  
*Si non suscipias, experière grauem.*



REGI LEGITIMO DECLARATO S.

O 2

In



EXPECTATA diu, sibi

Atque optata noui ex orbis origine  
Cœnæ adfercula mysticæ

Conuiuas homines sollicitat Deus,  
Quales agmina cœlitum,  
Si possint, epulas inuideant viris,  
Admirata minoribus

Grato munifici consilio patris  
Tantum terrigenis decus

Et deducta polo munera porrigi.  
Nam quæ ritibus annuis

Abrami soboles festa peregerant,  
Contestata iugum graue, &  
Depulsos dominos, & miserum metum,  
Euasique maris diem,

Extinctasque minas fluctibus impias;  
Veris nunc eadem modis

Instaurata nouat, qui patris integrum  
Consors imperium tenet,

Qui vitam proprio numine sufficit,  
Defectumque animat genus.

Hic sese gregibus dum esurientium,  
Arcani specie latens

Panis, suppeditat; dumque rubentia  
Vini pocula sanguine

Occulto at proprio præbet auentibus,  
Quicquid mentibus improbus

Ac membris coluber subdiderat mali,  
Et quam scire malum petens,

Mater perniciem fuderat inuido  
Fatalique nepotibus

Pomo, visceribus corrigit intimis;  
Et lethi remouet iugum,

Et dat posse bonis perpetuis frui.



CELATVM SECVLIS ARCANVM.

*Has epulas, quæis vita Dei, quæis munera Christi  
Conciliantur, ames, si sapias; ut capias.*



DEI BENIGNITATI ADMIRANDÆ S.

O 3.

In



In tabulam Christi ad victimam ultro oblata.

ODE TRICOLOS TETRASTROPHOS LIII.

QVI solus omnes immeritus luat  
Noxas parentum, & crimina posterum,  
Nunc agnus orbi postulatus,  
Ipse animam ingulumq. præbet.

Namque antè priscis ritibus hostiæ,  
Quacunque cultros imbuerant sacros,  
Nec crimen expedire nostrum,  
Nec poterant mala dimouere:

Non si secundo à sideribus die  
Armenta, quotquot vel pecudes tulit  
Tellus, ad aras obtulisses  
Ignibus assiduis calentes.

Nam quæ sub alti cardinibus poli  
Humana præstet munia quadrupes?  
Vel mentis exæquet valorem,  
Vel pretio solidante ponat?

Vras avaris ignibus omnia  
• Omenta semper, non veteris tamen  
Consumis unà & membra Adami,  
Semina vel malè nata tollis.

Quid quod nec illis viuida spiritus  
Concessa vis est, qua valeant semel  
Extincta respirare in auras,  
Atque nouam repetisse lucem?

Possent recepto munere quamlibet  
Extare, & artes induerent nouas,  
Non illa partes attulissent,  
Aut animas rediniua nostras.

Atqui vetustis debuit artibus  
Occisus aquas pendere noxius  
Pœnas, & exurgens probanda  
Iustus homo rediisse vita.

Ergo efficaci munere duplici  
Instructus agnus, quiq. valet mori;  
Rursusq. viuens emicare,  
Atque sibi sociare mundum;

Hic, (omne nostrum qui superat genus)  
Firmat volentis consilium Dei;  
Et spontè productus, nocentium  
Facta hominum subit expianda.



PUBLICA VICTIMA.  
*Maxima mortalis qui ferret pondera culpæ  
Asportanda, unus Christus & Agnus erat.*



SACERDOTI AETERNVM VNCTO S.



ODE DICOLOS TETRASTROPHOS LIV.

NON tam densa bonus credere Gedeon  
Villis exposuit vellera candidis,  
Nocturno penitus rore madentia,  
Queis tellus sitit inuidens;

Nec tot sicca iterum combibit area  
Diffusas nebula munere roscida  
Stillas, quæ domitos exigua manu  
Hosteis præmoneant duci,

Quàm multis hominum criminibus tener  
Agnus comprimitur, qui subit omnium  
Culpas immodico pondere plurimas,  
Humanumque refert genus.

Dum iusti memores numinis expedit  
Iras atque odium, dum veterem parat  
Offensam generis suscipere, ut graueis  
Pœnas iustitiæ luat:

Ille & iudicij conscius ardui,  
Et quantis voueat criminibus caput,  
Quas explere petat vulneribus minas,  
Horrens procidit & pauet.

Horret parte sui prouidus altera,  
Quæ nec nempe mali nescia, nec boni,  
Sed mens exuperat certa sequi graue  
Magni consilium patris.

Hic dum pressa hominum criminibus tremunt,  
Et mentis properant imperium sequi,  
Permanant fluidis membra cruoribus,  
Et sudore madent truci.



PUBLICI DEBITI GRAVITAS.

*Eheu corda graui nimium sunt pressa sopore,  
Pro quibus hic orat Christus & aduigilat.*



HUMANAE MISERIAE SUSCEPTORI S.

P

In



IN tabulam Iesu capti.  
ODE DICOLOS DISTROPHOS LV.

COE CO carcere prodita  
Nocturnæ tenebræ præcipites eunt,  
Terras quæ temerent magis,  
Et mergant veteri cuncta voragine,  
Quàm cum procubitu vago  
Celabant pelagi confluuium rudis.  
Hinc tantum sceleris feri,  
Infandumque nefas concipiunt vaga  
Noctis tartaræ agmina,  
Vrforum catuli & germina vulpium,  
Infidumque genus lupi:  
Dum stricta iniiciunt vincula perdit  
Miti agno ætherei patris,  
Quem diris lacerant rictibus, & trahunt,  
Intentum penitus mori,  
Et prodesse etiam carnifici suo,  
Illum si tamen efficax  
Permutare notet non refugum cruor.



IMPROBITATIS PERMISSÆ IMPOTENTIA.

*Traditur à seruo dominus , cui non grauis est tam*

*Quòdprodit , quàm quòdproditor ipse perit.*



AGNO SALVTARI MITISS. S.

P 2

In



In tabulam Iesu in concilio damnati.  
ODE DICOLOS DISTROPHOS LVI.

EHEV scelestis caca mens mortalibus  
Et culpa dira consciis!  
Quid non nefandi concipit præcepti mali,  
Quid criminis non suscipit?  
Simul tenebris obuoluta turbidis  
Veri refugit lumina,  
Et blandienti capta sorte commodi  
Præsentis in præceptis ruit.  
Namque & senator & sacerdos altior,  
Et scriba legumque arbiter,  
Errante plebe doctor insolentior  
Sese suosque perdidit,  
Dum missa dono Patris almi pignora,  
Agit ream prolem Dei,  
Salutis ampla qui ferebat pontifex  
Promissa rebus efficax.  
Hunc parricidis orta turba viperis,  
Illudit indignis modis,  
Postquam furentis voce turpi flaminis,  
Damnauit amens concio.  
Et ora Soli percolenda fulgido  
Vesana deturpat manus:  
Ac verba ridens miscet insolentia,  
Quæ dicat infernus furor.



VIRTUS MVNDO INVIS A.  
Contemnit damnatq, suam male sana salutem  
Turba hominum, postquàm decedit in tenebras.



INNOCENTI PRO SCELERATIS DEVOTO S.

P 3

In



In tabulam Christi ad Pilatum ducti.

ODE DICOLOS DISTROPHOS LVII.

QVONAM scelestæ turba non dignis virum  
Vinclis reuinctum proripis?  
Nam nec cicutæ temperator impius,  
Nec cæde famosus latro,  
Nec qui parentis ædibus flammæ tulit,  
Tantos furores excipit.  
Vix ista sæua fert tumultus inuidi  
Exempla, qui negat Deum:  
Vel qui deorum abominanda numina  
Ausis prophanis consecrat.  
Qui sancta legis abrogat volumina,  
His debet excludi modis.  
Ast hic salutis certus almæ nuntius,  
Amica mens mortalibus,  
Hic expetitus antè cunctis sæculis,  
Promissus atque vatibus,  
Matura missus nunc referre tempora,  
Fructusque dignos poscere,  
Hæres colonis execratus improbis  
Fundo è paterno pellitur:  
Fundo probatis quem noua arte vitibus  
Diuina plantarat manus;  
Heu peruicacis fraude gentis, & dolo  
Exclusus extra vineam,  
Vrsis premendus, & feris leonibus  
Dilancinandus traditur.  
Sed horret atrox gentis impia nefas,  
Fera ipsa, & vrgetur tamen.  
Inuita verbis cogitur minacibus  
Seuire in agnum innoxium.



FELICITAS REPVES A.

*Vtrique infamis populo cum factus Iesus,*

*Curabat populi res utriusque tamen.*



AGNO A LVPI LEONI OBIECTO S.



In tabulam Christi ad Herodem missi.

ODE TRICOLOS TETRASTROPHOS LVIII.

IVSTVM & suorum fraudibus inuidis  
In mortis actum crimen vt audit,  
Non prator audebat nefando  
Iudicio temerare Iesum.

Exlex & atris noctibus vndique  
Septus Tyrannus, fas tamen inspicit  
Et iura perpendit profanus  
Pontificum melius cathedris.

Ille innocentem perdere transferens,  
Declinat acti iudicium rei,  
Causamque deuoluit tyranno  
Quem Galilum populi timebant.

Hunc nec paternæ exempla ferociæ,  
Nec tuta nusquam cura tyrannidis,  
Nec regis illud nomen vncti  
Iudicium temerare cōgunt:

Postquam superbo iusserat ambitu,  
Et curiosa mente poposcerat  
Spectator ac vellet probare  
Signa modis celebrata miris.

Sed Christus altæ sceptræ potentia  
Vultu seuero despiciens, tacet,  
Et vana poscentem silendo  
Improbat, imperiumque temnit.

Ergo Latini ad iura Palatij  
Fastidientis munere principis,  
Et veste derisus nitenti  
Opprobrium tulit ipse nostrum.

Probrisque fœdis pressus, & arduo  
Sensu dolorum, non tamen immemor  
Prodesse, iungit dissidentes  
Numine conciliatque reges.



INNOCENTIA SPECTATISS.

*Quot testes habet ex populis innoxius agnus,  
Ingratum mundum tot premet arbitriis.*



HUMANAE CAUSAE PROCURATORI FORTISS. S.

Q

In



In tabulam Iesu flagellati.

ODE DICOLOS DISTROPHOS LIX.

QVID sanctum Iesu corpus atque innoxios  
Artus aduris carnifex?  
Quid membra, quarto puriora sidere,  
Plagis cruentis inficis?  
Non tantus Unquam stirpis incensa fragor  
Auditur altis montibus,  
Nec deuolutus in supina marmora  
Imber, ferit frequentius.  
In me furentem verte si sapis manum,  
Et terga cade noxia.  
Namque ipse lene legis excussi iugum,  
Iussa ipse perfregi Dei:  
Heu quanta dignus vincla perferre & neces  
Et flagra dura perpeti.  
Sed istud, atro quod cruore pernotas  
Maiora laturum, caput  
(Cui cuncta magni turba præfulgens poli  
Addicta paret nutibus,)  
Contracta noxæ crimina expiat meæ;  
Irasque placat vindices.  
Vides ut alto perferat silentio  
Quæ sæuus addis verbera?  
At qui efficaci deprecatur is tuas  
Measque pœnas vulnere.



PACIS HUMANAE DISCIPLINA.

*Vritur ardenti tortoris verberare Christus,  
Quem magis humani torret amor generis.*



IGNOMINIAE PUBLICAE SUSCEPTORI S.

Q 2

In



In tabulam Christi Bar-Abæ posthabiti.

ODE DICOLOS DISTROPHOS LX.

QVÆ pestilentis, heu, furoris pocula  
Deprompta ab inferno lacu,  
Malo remixta viperarum sanguine,  
Spumaque tabida aspidis,  
Incontinente fauce traxit inuidum  
Vulgus ferente Bêlsebo?  
Quid non furentis ceca turba consilii  
Admittit, atque criminum?  
En cuius altæ summa laudis arbitri  
Credatur vsque calculis?  
Quisnam repenti vos probata compulsi  
Mutare testimonio?  
Aut quæ nouandi spes amata commodi  
Vestris inaruit mentibus?  
Sic improbato regis almi numine  
Optare turpe dedecus?  
Optare culpam sanguinis, nec omine ex-  
cepisse posteros graui?  
Quem nuper amplis plausibus susceperat  
Regem Deumque creditum:  
Quem de paterna sede missum dixerat  
Summæ salutis principem,  
Experta magnis efficacem fructibus,  
Verbisque veracem bonis,  
Huic turba lymphis innatante cortice  
Et vilis & leuis magis  
Audet latronem prætulisse perfidum,  
Agnumque postponit lupo.  
Et non profanæ plebis heu sententiam  
Mens docta celitus oderit?



HUMANAE MENTIS LEVITAS.

*O mens leua hominum quae pignora certa salutis  
Postponis damno dedecoriq. tuo!*



HAEREDI AETERNO A SERVIS EXPLOSO S.

Q 3

In



In tabulam Christi producti.

ODE DICOLOS DISTROPHOS LXI.

QVEM maria & venti metuunt, quem lucida cæli  
Agmina perpetuò venerantur,  
Quem vitæ pacisque almæ lucisque beatæ  
Pontificem fontemque perennem  
Credimus, & natura probat responsa que prisca,  
Atque index certissimus usus:  
Idem hominum scelere infami atque immanibus ausis  
Dum tenebræ viguere malignæ,  
Heu facinus, patria depulsus ab æde, profanis  
Obiectusque leonibus, ecce  
Funesto ligno grauis opprobriis que proteruæ  
Linguae, cuncta venena vomentis,  
Ducitur ingrato populo inuisus que, sacer que,  
Infamis quoque fabula vulgo,  
Obscuris que genis colapho effuso que cruore, &  
Sumptis toto corpore plagis,  
Vultu habituque omni nimium mutatus ab illo,  
Certatim quem plausibus amplis  
Legitimè nuper Regem auctoremque salutis,  
Vrbs Solymum venerata canebat.  
Nunc adeò veluti cunctis infensus, ab omni  
Leditur & perfert probra turba:  
Scilicet à cunctis caput hoc damnabile noxis  
Mundus, iam video, dabat omnis,  
Deuotam & vario multorum crimine cælum  
Hanc animam statuit que petit que.  
Ac purus natura Agnus delicta suorum  
Nunc subit, & luiturus acerbo  
Vulnere, personam tenet execrabilis hirci  
Damnatus quem deuouet orbis.



L V X I N T E R T E N E B R A S .

*Artibus atque armis in te quæ mouerat hostis  
Victus stultitiam sentiet ille suam.*



I N N O C E N T I A E P R O N O C E N T I B . T R A D I T A E .



In tabulam Christi crucifixi.

ODE TRICOLOS TETRASTROPHOS LXII.

CERTVM recenti ex orbis origine  
Firmatum & alta mente negotium,  
Deliberata morte magnus  
Explicat ac peragit Sacerdos.  
Amiffa vitæ munera perfido  
Primi parentis crimine degener  
Natura cunctis haud valebat  
Artibus aut opibus referre:  
Vitæ perennis lux nisi feruida  
Lethi vagantis per miserum genus  
Intraret horrendas tenebras,  
Et caperet premeretque victrix.  
Auctor malorum tunc veterum draco,  
Hami latentis faucibus additos  
Persensit vncos, dum paratam  
Aggreditur temerator escam.  
Ille & potentem iam malè prouidus  
Prædam libenter linqueret, ac malè  
Luâtatus intorsit superba  
Pectora conuoluitque tractus.  
Suspensa lignum membra doloribus,  
Atque effluenti sanguine conficit;  
Nostram sed attentus salutem  
Cogitat is, tacitusque curat:  
Donec probante hæc pignora numine  
Suffecit vnâ pro populo hostiam,  
Irasque sedauit tremendas,  
Atque poli patefecit arcem.



SACRIFICIUM SUMMUM.

*Infamis suavis fructus hac sustinet arbor,  
Quæ vitæ possunt commoda certa dare.*



SACERDOTI MAXI. PRO POPV. LITANTI, S.

R

In



In tabulam Christi de cruce depositi.

ODE TRICOLOS TETRASTROPHOS. LXIII.

QVALEM reuulsis frondibus æsculum,  
Quam sæua ventis bruma niualibus  
Orbavit umbroso nitore,  
Terra parens doluit videndo:

Quam post remissis frigoribus brevis  
Horæ recepto robore viuadam,  
Ramosque crescentem priores  
Sperat auens bene prodituram;  
Namque illa firmis indita stirpibus,  
Vires tenaci cespite protulit,  
Qua viua subiecti caloris  
Vis penetrat, recreatque terras:

Talem dolenti pectore, & intimis  
Perculsa virgo visceribus, truci  
Demissa ligno membra nati  
Conspiciens, gemit, atque fulcit.

Quem culpa nostri sanguinis & nefas  
Omni carentem crimine presserat,  
Floremque delectum parenti  
Contuderat furiosa turba:

Ast efficaci numine compotem  
Vitæ valentem munera mortuis  
Præbere membris, & remotam  
Corporibus reuocare lucem,

Tantisper almus dum veniat dies,  
Et cedat atris nubibus obsita  
Nox illa, defunctum labore  
Certa fide genitrix manebat.



INIMICITIAE COMPOSITAE.  
*Cuncta, Deus dixit, trado tibi, quod mihi seruum  
 Tute ad mortiferam gesseris usque crucem.*



INFEROR. EXPVGNATORI EXPOLIATORI Q.  
 FORTISS. S. R 2 In




In tabulam Sepulchri Epitaphium.  
CARMEN ELEGIACVM LXIIII.

MIRATVRA citò rediuiuum surgere corpus,  
Marmorei silices antraque parua tenent.  
Pignore deposito multum ô felicia saxa, at  
Pignore reddendo saxa beata magis.  
Membra fouete hominis, quibus est nil purius vsquam,  
Membra extincta hominis, viuida membra Dei.  
Neu tabem, neu vos turpeis metuatis odores,  
His procul ista malis est aliena caro.  
Iam quod erat nostræ culpæ, mors eluit, vltra  
Mortem pro nobis debuit ille nihil.  
Nunc sibi (namque potest) vitam propriam ipse reponet,  
Perpetuò & nobis viuere posse dabit.  
Compositas igitur saxum hoc testabitur iras,  
Et renouata orbi fœdera amicitie.

IESV NAZARENO PRO MVNDI NOXIS OCCISO,  
REGNI CÆLESTIS HOMINVM CAUSA ASSER-  
TORI DEI FILIO VIVENTI, HOMINI MORTVO  
EFFICACISS. SEPVLC. NOVVM AD TEMPVS  
BREVE. EX DIV. CONS. DESTINAT. EST.



H V M A N I G E N E R I S D I V I T I A E.  
*Pressa labore graui pugna dum membra quiescunt,  
Expoliat Barathrum Spiritus & tenebras.*





In tabulam Christi resurgentis.

ODE SAPPHICA LXV.

I AM nouo felix nitet orbis ortu,  
Clara festinat solito priores  
Ianuas nato reſerare primæ  
Nuntia lucis.

Cuncta ſollennes Variare luſus  
Cernimus : dolci volucres Camœna  
Perſonant ſyluas & amiœta verno  
Prata nitore.

Quæque crudelem doliuere mortem  
Nuper auctorisque hominum, ſuique,  
Sidera obdueto tenebrata cælo  
Ruptaque ſaxa,

Hunc vident vitæ reducem ; cruenti &  
Compotem belli, & grauis eminentem  
Caſibus lethi, meriti ac triumphî  
Munere clarum.

Is breui magnos ſpatio labores  
Perferens duræ necis, ac ſepulchri,  
Victor & furuas Acherontis vnus  
Diruit arces.

Inde funeſtum domitor tyrannum  
Fraudibus parta minuens corona  
Traxit, & regnum ſpoliauit amplum  
Mortis amaræ.

Criminum auctrices furias, metusque  
Viſus æratis cohibere vinclis,  
Efficax almæ ſociare mundo  
Commoda vitæ.



VITA ORBIS ALLATA.

*Vidit ut extantem Satan de funere Christum,*

*En, ait, hęc homines, non mea regna, nouos.*



IESV CHRISTO MVNDI MORT. INFEROR. Q.  
VICT. POTENTISS. S.



In tabulam Christi discipulis conspecti.

ODE DICOLOS DISTROPHOS LXVI.

IMPROVISA simul nigro lux ignea celo  
Fulguris emicuit:  
Turbatos horrore animos hiemisq; maligna  
Nubibus assiduus  
Exterret, trepidosq; oculos praestringit, & acri  
Lumine saepe ferit:  
Vt quanquam certus radianti ex aethere fulgor  
Sensibus incubuit;  
Obtenebrata tamen stupefactaq; lumina tristis  
Tempora noctis agant.  
Non secus occisi tempestas dura magistri,  
Exanimisq; metus  
Discipulos tristes effecerat, ut neque certis  
Visa oculis Domini  
Vel species vel verba nouam testantia vitam  
Perdoceant pauidos.  
Non haustu mens arcta hominum comprehendere primo  
Munera tanta valet.  
Illa tamen seu tarda putes ignarae rerum,  
Cordaeue dura nimis  
Multiplices vsus, ventura in secula mundo  
Expediere boni.  
Nam quicquid fidei obiciunt errorq; metusq;  
Ingenium vel inops,  
Impietas, & suspicio male credula veris,  
Vel dolus illaqueans;  
Omnia presenti exemplo, iam testibus illis  
Exuperata iacent:  
Nec quicquam reliquum dubij est mortalibus ultra,  
Credere quin valeant  
Quicquid prisca almo adscripsere oracula Christo,  
Quicquid Apostolica,  
Felices adeo, dubio quos exuit omni  
Saepe oculata fides.  
Dicta Dei sed qui credit, felicior ille est,  
Nec petit inspicere.



VERITAS SPECTATISSIMA.

*Non viuum dubitate ultrà ; sed credite , vobis  
Posse dari per me vincere mortis opus.*



CHRISTO VIVEN. PER P. OMN. DOM. APPEL. S.

S

In



In tabulam ascensionis Christi.

ODE TRICOLOS TETRASTROPHOS LXVII.

EXPE RS amara mortis, & hostium  
Victor, triumphis perpetuis potens,  
Solisque peruincens nitores,  
Astra petit patriamque Christus.  
Qui patris amplum sponte reliquerat  
Regnum, quietas & superum domos,  
Mortalis & vitæ labores  
Pertulerat vigilesque curas:  
Celante numen corpore maximus  
Hospes, paratus seruitium graue  
Terris subire, atque inquietos  
Usque dies tolerare & annos:  
Et sumpta nostræ sortis, & ordinis  
Incomparandis membra laboribus  
Intendit, exercetque patris  
Nutibus, imperiisque summi.  
Ergo peractis ipse periculis,  
Seruus probatis officiis bonus,  
Audire dilectusque natus  
Promeruit, solique consors:  
Præsensque nostris partibus addidit  
Virtutis, alti & munera nominis,  
Carnique diuinos honores,  
Et proprium decus arrogauit.  
Miratur ardens discipuli cohors,  
Certo petentem numine sidera,  
Nubesque subiectas prementem,  
Vix oculis celerem sequuntur.  
Regemque cæli suscipiunt suum  
Victoris auctum laudibus inclytis,  
Celsique plaudentes ministri  
Concelebrant hominem Deumque.



EMERITA GESTORVM GRATIA.

*Ipse via est, ductorq; bonus, qui venerat alta ex  
Arce, redit, nobis ut paret ipse domum.*



CHRISTO TRIUMPHANTI S.

S 2

In



In tabulam Spiritus sancti.

ODE SAPPHICA LXVIII.

QVICQVID optandum cecinere vates,  
Principes quicquid cupidi petebant,  
Attulit mundo celebranda Christi  
Pontificis lux:  
Clara lux flammis radiata miris,  
Quæ malè extinctum renouauit orbem,  
Quæque deiectum leuat impotenti  
Pondere Adamum.  
Dexteræ Christus patris efficaci  
Redditus, charæ comitum cateruæ  
Impetrat magnis meritis reperta  
Flaminis almi  
Dona: quæ postquam sociata castis  
Mentibus, mortem perimunt priorem,  
Et graues noctis tenebras corusco  
Lumine mutant;  
Error & tristes fugiunt pauores,  
Quæque cor fluctu quatit inquieto,  
Pacis infelix inimica sentit  
Frena cupido.  
Constat exemplo facilis benigno  
Christus, & nostris eadem parare  
Seculis, si quis meruit probando  
Præmia cursu.



HUMANI GENERIS RENOVATIO.  
*Huius flamma animum penetrans quem corripit ignis,  
 Aurum fit, viles exiit & cineres.*



CHRISTO REGI POTENTISS. DITISS. LIBERALISS.  
 HOMINVM DEIFICATORI S. S 3 In



In tabulam Petri de Christi numine perorantis.

ODE TRICOLOS TETRASTROPHOS LXIX.

VIR vt minori præniteat viro,  
Virtutis & quid, quid sapientiæ  
Diuinus humano suorum  
Spiritus ingenio reponat:  
Ille & probauit, qui pavidus prius  
Dignum magistrum laudibus, ac fide  
Rogantis ad vocem puellæ,  
Nosse hominem malè pernegabat:  
Vulgaris & qui consilij potens,  
Cæloque terræ commoda præferens,  
Vitam daturum morte nostram  
Stultus auct reuocare Iesum.  
Postquam imbuentis munere spiritus  
Mutatus, idem liquit inutiles  
Curas, & accensus superno  
Igne, noua nituit figura:  
Fastus tumentes despicit, & minas,  
Nec Christo iniquum concilium timet;  
Turbamque, sermonesque vulgi  
Temnit, & imperium superbum:  
Præsens docere & dicere feruidus,  
Christum efficaci numine compotem,  
Magnis que sublimem triumphis  
Æthereas decorare sedes.  
Vnde & sequaces nobilitet suos,  
Auctosque magnis artibus instruat  
Miranda narrare, & stupendam  
Reddere debilibus salutem.



CHRISTI VIRTUTIS SPECIMEN.

*Anne vides, quàm magna valet, cui munere Christus  
Obtigit immisso & sapere, & facere!*



CHRISTO IN PERPETVVM SALVTARI S.



In tabulam Sauli à Christo reuocati.

ODE DICOLOS DISTROPHOS LXX.

QV AN QV AM saeva furens lupus  
Rictus horridos ac sitientia  
Feruens pectora sanguinis,  
Eruetque minas & rabiem trucem:  
Quamquam proposito graui  
Impulsus, pecori & populo pio  
Infandum meditans, paret  
Cedes, insidias, & trepidam fugam,  
Aetius stultitia & boni  
Fallaci studij nomine percitus,  
Cui dentes acuit truces  
Vulgi, & mobilium gratia principum:  
Mutatus tamen audiit  
Agni consilium, iussa & mitia:  
Sese & praeiuit integrum  
Propugnare greges, quos malè presserat:  
Præco & nominis optimi,  
Et qui signa sacrae militiae ferat  
Iudæ ad progeniem feram,  
Reges & populos & maris insulas.  
Non illum retinet metus,  
Non aut propositi cura tenax sui,  
Mutati & studij pudor,  
Postquam Nazaridæ iam monitis boni  
Correptus melius sapit:  
Cum præceps media succubuit via,  
Mentem & rabiem malam,  
Ac sese penitus deposuit grauem.  
Tantum vertere præualet  
Christi diua manus, dura & mollibus  
Mutans, fortia firmitus  
Formare & melius pectora, si modo  
Et veri & studiis boni  
Incensus, cupias falsa relinquere.



CHRISTIANÆ SIMPLICIT. VICTORIA.

*Ambitio, vanum studium, zelusq; superbus  
Exemplo hoc quicquid mundus habet, fileat.*



CHRISTO VINDICI EFFICIENTISS. S.

T

In



ODE DICOLOS DISTROPHOS LXXI.

CONSILIIIS stabilita Dei firmatâque iustis,  
 Dies paratur adferenda sæculo,  
 Exoptata piis, satis ac non credita prauis,  
 Minace sæpe dicta voce vatibus:  
 Quàm neque terribiles valeant superare tyranni,  
 Cauere turba nec superba diuitum;  
 Quàmque animi laudent mites, despectâque mundo  
 Sibi que iuris vsque corda conscia:  
 Expositura dies sortes mercedibus æquas,  
 Modùmque rebus additura gentium.  
 Hinc epulæ semper dulces, & gaudia certa  
 Pius feruntur expetenda præmia.  
 Illinc æternis subeunda incendia flammis,  
 Nouûsque semper additus malis dolor.  
 Hic lætæ superùm voces, laudésque perennes,  
 Choro beata concinente carmina.  
 Ast illic turpes gemitus, luctûsque frequentis  
 Sonat furente mixta turba Dæmone.  
 Hi fines rerumque vices, aut præmia diuæ  
 Manent salutis, aut perennis exitû,  
 Vel quos fas, pietâsque iuuat, vel perfidus error  
 Utrosque rege iudicante calitum.  
 Vtram igitur placeat, nostrum est, contendere metam,  
 Capax petatur, arcta seu magis via.



HUMANAR. RER. NECESSARIUS EXITVS.

*Qui timet hoc solum, felix: felicius illo est  
Qui Christum regem non metuit, sed amat.*



CHRISTO REGI BENIGNISS. VLTORIQ. IVSTISS.

T 2

IYDI



INDICIVM D. DOCTORIS  
*Hunnæi Canonici Louaniensis Regij Pro-*  
*fessoris Theologi ex Collegio censorum Lo-*  
*uaniensium.*

HVNC septuaginta vnus Odarum li-  
brum ab eruditissimo viro Bened.  
Aria Montano Doctore Theologo  
& poëta laureato decantatarū, vnā  
cum tota Monumentorum cōstru-  
ctione diligenter perlectum & exa-  
minatum, testor nihil habere quod  
catholicum lectorem meritò offen-  
dat, sed plurima quæ conducere Le-  
ctori pio, eumq; oblectare poterunt.  
Louanij CIO. IO. LXXI. XVI.  
Kalend. Apriles.

*Augustinus Hunneus*  
*Professor S.Th. Regius.*



IVDICIVM SILVESTRI PAR-

*di Theologiae Licētiati, Canonici Antvverpiensis ex Collegio Censurum Regia aucto-  
ritate & Episcopali electione Antverpia  
instituto:*

*Vnà cum Episcopi Collegij ipsius prae-  
sidis confirmatione.*

HAEC humanæ salutis Monumenta  
docta sunt & pia, omnibusq; , vt in  
vera religione exerceantur, perne-  
cessaria. quare vtiliter imprimi pos-  
se iudico. Datum Antverpiæ Ka-  
lendis Martiis. An. M. D. LXX.  
stylo Brab.

*Ita testor Silvester Pardo S.  
Theologiae Licētiatus, Ca-  
thedralis Ecclesiae Ant-  
verpiensis Canonicus.*

IDEM iudico & ego subscriptus,

Franciscus Sonnius Epi-  
scopus Antverpiensis.

T. 3

BENED.



BENEDICTI ARIÆ MONTANI  
CARMEN VOTIVUM AD  
CHRISTVM IESVM.

SI TV Christe mei munera carminis,  
Nostri & vota probas pectoris abdita,  
Laudes (namque potes) da pateant tue  
Orbem quâ veteri consocias novum:

Non ut fama meum nomen in ultimas  
Oras Oceani deferat, aut decus,  
Viressq; ingenij commemoret mei.  
Nostrum quidquid id est, est leue, nec valet  
Perdurare dies, vel mare, vel vias,  
Quin victum penitus sorte cadat sua.

Sed, quod nostra sonant carmina, maximum  
Nomen, quod superat sæcula; quod mare,  
Quod terræ, barathrum, sidera quod colunt;  
Quod præsentem domat fortia robore;  
Quod deuota replet pectora numine;  
Quod lassos recreat, quodq; fouet pios:


Hoc nomen numero non numerabili  
Virtutum solidi ac muneris efficax;  
In quo certa salus vitæq; publica est  
Orbi nunc nimis ponderibus mali  
Depresso & vitæ criminibus grauis;  
Hoc nostris celebre & carminibus sacrum,  
Per nostros populos ferre per externos,  
Diffuso & pelago quâ patet ambitus,  
Decantare nouis vocibus expeto.

Nam si magna semel munera nominis  
Sint gustata tui; carmina concidant,  
Et chartæ sileant, famaq; & ingenium  
Vis nostri pereat: nominis at tui  
Virtus visceribus, cordibus & piis,  
Hærebitq; animis, quod neque temporum  
Robur, nec minuant sæua tyrannidis  
Tormenta, aut validis turma phalangibus  
Quam multas tetricis conuomit ostiis  
Sedes Tartarei turbida Principis.



# CHRISTOPHORVS PLANTINVS

## LECTORI S.



**S**IMVLAC ea, quæ à nobis nuper excusa sunt, Humanæ salutis Monumenta, à Benedicto Ariæ Montano excelsi ingenij viro, non minus elegantiam quàm docto Poëmâte conscripta ad multorum doctissimorum & amplissimorum hominum manus peruenierunt, non potuerunt illi summam hominis doctrinam, rerum diuinarum cognitionem clarissimam, & grauissimum illud argumentum admirabili carminis suauitate, & dignitate tractatum suum opere non admirari. Eorum enim omnium, quæ vel ab ipso Adamo ad Christi D. N. postremum vsque iudicium, in sacris libris ad nostram salutem necessaria habentur, seriem & summam, tanta certitudine & facilitate complectitur, vt à nemine vnquam tanto splendore ac doctrina, atq; à præstantissimo hoc viro tractatam esse mihi suis verbis sint testati. Plerique tamen ex iis non potuerunt suum animi dolorem ita continere, quin eum quoque mihi patefacerent. Videbant quippe homines sapientissimi, fore, vt sancti illius argumenti tractatio, eaq; non solum vtilis & iucunda, verùm etiam omni literatorum generi planè necessaria, propter rerum quæ in ea continentur, celsitudinem, non à quouis ita facile intelligeretur: Doctrinam enim (aiebant) piam, & valde attentum, beneq; in sacris libris et pietate exercitatum lectorem ea desiderat. Quod cum animaduernerem, nec possem, pro eo quo me esse sentio erga rem literariâ propenso animo, studiosorum, atq; etiam clarissimorum hominum, quos dixi, honestissimo desiderio non satisfacere; operepretium me facturum existimaui, si vnus & septuaginta illarum odarum, quibus humanæ salutis mysteria elegantissimè descripta sunt, argumenta, & sensum, breuibus aliquot annotationibus indicarem, & aliquo modo explicarem. Hanc verò prouinciâ non ideo suscepi, quòd meo ingenio fretus aliquid à me præ cæteris præstari putem; sed quia non dubito quin plerisque in locis, qui multorum sententia difficultate carere non videntur, mentem ac sensum auctoris, quo quidem, pro ea qua præditus est morum facilitate, familiariter vtor, non sim affecutus. Hisce igitur laboribus, lector, frui: & si quid, quo tua studia promoueri posse existimes, hic à nobis præstitum esse cognoueris, Deo sapientissimo, ad cuius gloriam omnia sunt referenda, totam laudem & honorem tribue. Vale Antuerpia, Calend. Augusti. M. D. LXXI.



**D V P L E X** in hoc libro continetur monumentorum genus: **V N V M** est planè Architectonicum, constans picturis & imaginibus locorum, personarum ac rerum gestarum: hoc Architectorum orationibus illustratur; quarum triplex in vniuersum ratio est; aut enim summum totius depictæ rei argumentum describitur, & ea doctrinæ pars, quam didascalicam vocant, vsurpatur; cuius generis orationes inscriptiones dicuntur: quibus vel virtus vel vitium illius imaginis contemplatione annotatur: aut personæ vel rei gesta auctoritas indicatur, eaq; per dedicationes exponi solet. aut vsus aliquis capiendus ex ipsius operis inspectione spectatori proponitur, idq; plerunque disticho aut monosticho, vel aliàs breui epigrammate expeditur. Totum autem hoc dicendi genus breue, graue, significantissimum atq; antiquitatis plenum esse debet, neq; cum poëtico, aut oratorio, aut comico, aut historico stylo connuenire: sed suis numeris & definitionibus, hoc est, Architectonicis constare, aliàs ieiunum, & frigidum, languensq; futurum, id quod nemo plenè assequi imitariue feliciter potest qui Architecturæ artis peritus non sit.

**A L T E R V M** verò genus est Poëticum, quod non imaginibus, vt illud alterum, sed verbis rem omnem depingit, atq; ea etiam spectanda legentium sensibus proponit & describit, quæ nullo picturæ artificio effingi possunt, vt sunt voces, orationes, animorum corporumq; motus omnes, & cogitationum studiorumq; formæ. Vtrunque hoc in libro ita ad amussim expressum est genus, vt obseruata pietatis et religionis sanctimonia ac dignitate, nihil desiderari possit, quod vel ad Architectonicam grauitatem, vel ad poëticam elegantiam, & sententiarum ponderosam plenitudinem faciat. Hac antequam explicationem aggredimur, admonitionis causa indicanda duximus.

**TABV-**



# T A B V L A I I.

## ARGVMENTVM.

*Vera sapientia rudimenta.*] Christū Dei sapientiam Paulus appellat, 1. Cor. 1. 24. Idē etiam Gal. 3. 24. legem antiquā, cuius minister Moses fuit, pēdagogū hominibus ad Christum fuisse dicit.

*Inscriptio.*

*Fideli ministro.*] Mosi elogiū Dei responso pronuntiatum, Numer. 12. 7.

*Ode 11.*

Mosis laudes canit, quem ab ipso vsque ortu Dei cōsilio delectum, variis per omnem etatē amplitudinis testimoniis ornatum, tandē libertatis ducem declaratū, & legislatorem summa auctoritate constitutum fuisse ait.

*Nobilis hospes.*] Iethro Madiā sacerdos, & vt Chaldaeus paraphrastes interpretatur, apud suos magistratum summum gerens.

*Præpotens herbis.*] Ægyptiorum sapientiā & detestabilem magiā diuina virtute per Mosē superatam indicat, vtrō confessis Ægyptiis ipsi, & quamuis inuitis, tamen ob poenarum sensum cedētibus, Exod. 8.

*Numinis pura.*] Lex sancta est, Deoq. grata; hominib' verò, dū peccati impotentia imperat, propter maledictionē & damnationē horribilis est, Rom. 7. & pluribus in locis.

*Obstupen. clarus honore.*] Gloriā & auctoritatē ex Dei colloquio Mosi additam indicat, Exod. 34. 21. 2. Cor. 3. 7.

*Tabule 111. Argumentum.*

*Ambitio ærumnosa.*] Prima cogitatio, qua parentes olim ad crimē admittendū inducti sunt, gloriæ cupiditas erat, vnde inobedientia nata, ex qua scelus susceptum, hinc mors cū miseriis omnibus consecuta. dehortatur igitur ab ambitione tabellæ argumentum.

*Inscrip.*

*Fraudis expoliatrix.*] Non virtute, sed fraude illa hominum ruina parata est, ab antiquo serpente mendacij patre, quē ab initio mēdacem fuisse Christus docet, Ioan. 8. 24.

*Ode 111.*

Gravissimorū dolorū, ærumnarū, mortis, malorumq. omniū originē primā feminæ adscribit, quæ à serpēte seducta, virum suū ad cōmune crimē pellexit. Cau-

sam verò fidei defectionē fuisse ait, quòd vterq. magis serpentis fallaciæ, quàm diuinæ cautioni & prædictioni crediderit. ostendit præterea voluptatis nimium studium stimulos etiā addidisse illis, ad suscipiendum crimē, sicut scriptū est: Vidit igitur mulier, quòd bonum esset lignum ad vescendum, & pulchrum oculis, aspectuq. delectabile, 1. Tim. 2. 14.

*Tab. 1111. Argum.*

*Consilium absconditum.*] Vt ex morte vita oriretur, atq. ex veteri in nouū Adam homines transformarentur, consilium fuit celatū à generationibus, & seculis, & noui Testamenti tēpore reuelatum sanctis, Coloss. 1. 26.

*Inscriptio.*

*Misericordiæ vindici.*] Namq. recōciliationis humanæ consiliū ex misericordia Dei profectum est, Tit. 3. 4. 1. Ioan. 4. 10.

*Ode 1111.*

Indicat consilium Luciferi in negotio primi hominis à se perditū fuisse, nō tantū humanū genus in suam tyrannidē redigere, sed etiam cū Deo de sapientia velle contendere. Hoc autē magnum mysteriū est, quod ipse auctor aliās plenius & apertius exponet. Huic verò Luciferi consilio diuinū oraculū opponitur, quo calliditatis illius cōmenta omnia superāda esse præcīnūtur, cū summa ipsius doli auctoris perturbatione, & stultitię redargutione ac perniciē.

*Tab. v. Argum.*

*Fœdus instauratum.*] Nam quæ de misericordia erga homines Deus proposuerat, antiquus serpēs turbare & irrita reddi curauerat, auctis in vniuersum hominū flagitiis, & mundo ad vastitatem ex diuini iudicij sententia addicto: sed vt propositū Dei maneret, fœdus cum Noë rursus est renouatum, vt exponitur, Gen. 9. 9.

*Inscriptio.*

*Misericordia memori.*] Dicatur Tabula Deo, qui cū iratus fuerit, misericordiæ recordatur, Habac. 3. 4.

*Ode v.*

Poëtica elegātia describit orbis instaurationē, ex misericordia Dei irā remittentis.



tis, & de æterna ac tēporali humani generis salute cogitantis: ostendit piorum sacrificia Deo gratissima esse. Demonstrat quantā orbi calamitatē hominum peccata afferāt; quantam Dei misericordia rursus salutem.

*Renouata certis cursibus, &c.* ] Namq. tēpora omnia diluuij vna tēpestatis facies nimirū informis hiems & nox tenebat, quā diuina prouidētia in quatuor anni cōmodissima tēpora conuertit, sicut scriptū est: Cūctis diebus terre, sementis & messis, frigus & æstus, æstas & hiēs, nox & dies nō requiescent. Gen. 8. 2. 2. atq. hæc ætas iuxta rationē Noë diuinitus præscriptam, ad Abraham vsq. ætatem pertinet.

*Tabul. VI. Argum.*

*Obedientia constans.* ] Veræ obedientiæ exemplū Abraham proponitur, qui fide instructus nihil omnino laborum decretauit, in mandatis Dei quamuis difficillimis facessendis. De hoc argum. lege Iacobi Apostoli epist. c. 2.

*Inscriptio.*

*Fidei ductrici.* ] Quidquid ex fide suscipitur, rectum est, & fallere nō potest, pium suscipientis animum: adest enim Deus fidei virtuti sibi gratissimæ, quā nunquā deserit, quā nusquam non ad optimum exitū perducit, modò fides ipsa viuā sit, qualis in carmine describitur. Huius inscriptionis sententia latè disputatur à Paulo Heb. 10.

*Ode VI.*

*Quem tu diuina fides virū.* ] Fidē viuā non esse otiosam ostendit, sed obedientiæ rationibus & negotiis perpetuò deditā, neq. tantum opera vulgaria præstantē, sed planè heroica, vel diuina potius gesta suscipientē, atq. adeo in omni tum rectè faciendi, tum dura & difficilia tolerandi materia, aut exercitatissimā, aut exerceri paratissimā. Est elegans ode, plena argumētis in sacra scriptura obseruatis: alludit ad multas historias diuinorum librorum. lege Hebr. 10.

*Superiorum viribus æmula.* ] Mira, sed verissima amplificatio, quando videmus Iacob fide instructū angeli colluctantis vim sustinuisse, ac tandem superasse, dicētis: Dimitte me, quia ascendit aurora, Genes. 32. 26. Sunt & alia exempla longè etiam hoc illustriora.

*Tabul. VII. Argum.*

*Fidei testimonium grauiss.* ] Credentis fidem viuam opera testatur, alioqui mortua arguitur fides, nisi per dilectionē operetur. Ostende, inquit Iacobus, fidē tuam sine operibus, & ego tibi ostendam ex operibus fidem meam, Iacob. 2. 18. itaq. opera fidei testimoniū à Paulo vocatur, Hebr. 11. 39. Atqui maximè erga fidē periculi facti exemplum in Abraham scriptura statuit, iussu filium sacrificare, & rē tantam indubitanter facessente. Ideo grauissimum testimonium hic appellatur, Gen. 22.

*Inscriptio.*

*Prouidentia consultrici S.*

Deus enim obrēperantibus sibi opportunissimè prouidet, quanquā maximis rerū difficultatibus illi, dum obediūt, implicentur. Ita persuaserat sibi Abraham, cum filio de victima roganti respondit, Dominus prouidebit sibi victimā, fili mi. Lege de hac re Psalmum 90. Qui habitat in adiutorio Altissimi.

*Ode VII.*

Plurimas difficultates commemorat, & grauissimas, quas Abraham fides tentata peruenit; illud vnum secum statuens, obediendū esse Deo per omnia, rerumq. exitus illi esse permittēdos, qui optimos semper efficere solet. Lege de hac re Psal. 45. Deus noster refugium. Cuius sententiam omnē poëta hoc loco refert. Hoc tēpore pactū salutis cū Abrahamo est confirmatum, cuius argumentum Iacob per quietē postea cognouit, ut in sequenti tabula indicatur.

*Tabul. VIII. Argum.*

*Humana diuinitas.* ] Videns Iacob mysteriū ecclesiæ, in qua habitaturus erat Deus trinus & vnus, Verè, inquit, terribilis est locus iste, & non est nisi domus Dei, & porta cæli. Cum autē Deus in hominibus inhabitat, homines ipsos deificat. Videte, inquit Ioannes, qualem charitatē dedit nobis pater, ut filij Dei nominemur & simus. 1. Ioā. 3. 1.

*Inscriptio.*

*Dei philanthropiæ.* ] Tantam dignitatē deificationis nostræ diuino erga homines amori acceptā referendā esse indicat. In hoc est charitas, inquit Ioannes, non quasi nos dile-



dilexerimus Deū; sed quoniam ipse prior dilexit, 1. Ioan. 4. 10.

Argum. Ode VIII.

Omnium promissorū, quæ olim patribus facta fuerāt, de serpētis capite contemendo, de benedictione familiarū terræ in semine Abrahæ, summā quandā iā speciali quodam modo relatā, in illa ostensa Iacobo imagine indicatā fuisse ait. Quandoquidē omnia illud continebant arcanum, Deū, diaboli deleta tyrānide, in hominibus, ut in propria sibiq. sanctificata domo, regnaturū, magnāq. futurā esse spiritū celestiū, & hominum amicitia, & familiaritatem. Est hoc magnæ significationis mysterium, de quo poëta aliās plenius soluta oratione disferet. Adeo autē excellentis argumenti est, ut celū vsq. ad ipsum Dei thronum penetret; quamobrem eleganti figura in ipso amplificationis incremento Ode ipsa finem sibi præscripsit.

Tabul. 1 x. Argum.

Fides morti insuperabilis. ] Adeo firmus & constans fuit Iacob in diuinis promissionibus integra fide excipiendis, ut non modò ipsa maxima promissa, quæ ad vitam & salutē pertinebant, sed horū promissorum figuras, nepe terræ Chananæorū possidēdæ pollicitationes, quanquā moribundus, iā tamen constanter tenuerit, & à longē, ut Paulus ait, salutauerit; filiisque suis, ut certissimas nō modò expectandas tradiderit, sed ipse etiā regionū & munerū partitione facta, testamēto possidēdas reliquerit. Est enim fides sperandarum substantia rerum, argumentum non apparentiū. Heb. 11.

Inscriptio.

Deo sapienti doctōri. ] Futurarū rerum certa cognitio Deo propria est, neq. quisquā, nisi à Deo doctus, quid cuiq. sit futurum, certis rationibus præscriptū prædicere potest. Id probatur in Iacob, qui iam fermè moriens, singulis filiis suis ad lectum vocatis, certissimas sortes præcinit, à Deo, cui crediderat, edoctus. Sic enim ille præfatus est: Congregamini, & audite filij Iacob, audite Israël patrē vestrum: id est, eū cui virtutē & potentiā Deus concessit, audite, Gen. 49. 2. Lege de hoc argumento secundum cap. lib. Danielis.

Argument. Od. 1 x.

Canit quemadmodū Iacob in diuinorū promissorum fide decedens, futuras posteritatis suæ res perinde cognouerit, cognitasq. filiis suis prædicens enarrauerit, ac si ipse iā præsens illarum spectator esset, eiusq. fidei & expectationis hæredes reliquerit filios suos, adeo sibi certæ & constantis, ut ob eā rē suum defuncti vita corpus in Chananæam regionem sepulturæ causa deferri mādauerit: eo modo posteritatem suā præcessurus, atq. corpore & ossibus cōpositis possessionē etiā temporalem illam conseruaturus, & spiritualem animo cum patribus suis versante expectaturus.

Tabula x. Argum.

Tyrannis misericordiæ concedens. ] Cogitabat Ægyptius tyrannus Israëlitas perdere, quos Deus ad misericordiæ ostendendæ exemplum comparabat, non potuit tyrannis infringere Dei propositū; immo ipsa vltro insciens, misericordiæ illius ministrā se præbuit, infante Moysē educado, cuius opera salus illa & libertas Israëlitis est allata, cum summa hostiū & tyrannorum pernicie, Hebr. cap. 10. & 11.

Inscriptio.

Providentiæ vultu. ] Non potest humana prudentia, quantumvis excogitatis consiliis, diuinæ providentiæ instituta impedire. Dixerant Ægyptij aduersus Israëlitis populum: Venite, & sapienter opprimamus eum: sed stultam fecit Deus mundi sapientiam, 1. Cor. 1. 20.

Argum. Od. x.

Ostendit nullis consiliis, nullis opibus, nulla deniq. facultate humana posse diuino consilio obfisti; cui non modò hominū tandem imbecillitas & inscitia cedat, sed naturæ rerū hominibus insuperabiles vltro administræ obsecundēt. Poëticè autē omnem rē describit, docens Chamefis sobolis, id est, Ægyptiorum voluntatem & conatū fuisse, omnes infantes Israëlitarū aquis summersos perdere, atq. ita genus illud delere; tamen Deū effecisse, ut ipsi vltro ex mediis aquis ignē eruerint, hoc est, Moysē, qui seipsos suasq. res omnes tandem esset absumpturus. atque huic rei ministros sese præbuisse Nilum fluuium,



& Nili pisces, aliàs mōstrosos & feros, qui infanti, quominus noceretur, prospexisse videntur.

Tabul. XI. Argum.

Optio incomparabilis.] Optauit Moses magis affligi cū populo Dei, quàm temporalis gaudij habere iucunditatem: sententia est D. Pauli Apostoli, Hebr. c. 11. vers. 25.

Dedicatio.

Sapientia illuminatrici.] Significabat aperte Deus Israëlitis tempus salutis appropinquare, cū viderent summum virū, & regi Ægyptio gratū Mosē, vindicē iniuriarū, in suā gentis hominem illatā, aduersus Ægyptiū sese præbere: sed illi hanc Dei significationē noluerunt intelligere, vt S. Stephanus protomartyr docet, Act. 7. vers. 25.

Ode XI. Argum.

Diuinū erga hominum salutem consilium certum constansq. esse, & sapientissimē procedere ostēdit; sed stultitia & culpa hominū ipsorū, de quorum salute agitur, aliquādo retardari aut impediri. Huius rei exemplum statuitur in Mosē, qui promissæ Israëlitis salutis ministeriū iam meditari inceperat, cū, relicta illa ambitiosa aulici splendoris conditione, qua ille apud Ægyptios valebat, omnē cogitati sibi de fratrum salute negotij euentū, animo constanti præuisum, experiri statuit; & tandē ingratē ab iis, quibus bene consulebat, exceptus, in exiliū voluntariū, adhuc in eodem permanēs proposito, profectus est; humaniusq. est ab alienis hospes quàm à suis fuerat vindex susceptus. simul etiā ostendit prouidentia Dei ibi præsentissimā esse, vbi pij viri pietatis colendæ causa durius & angustius agere hominibus putantur. In hac Ode illud tetrastichon est difficilior intellectu: *Illius vires & studium effusæ*, &c. sententia est: Illū Israëlitam, qui ereptus fuerat per Mosē à manibus Ægyptij, dixisse aliis Israëlitis quo animo erga se vindicandū, quo robore esset is quem illi non perinde atque oportuerat, exceperunt.

Tabul. XII. Argum.

Diuinæ virtutis specimē.] Ignis ille quē Moses vidit, cuius vi rubus ardens nō vrebatur, diuinę virtutis specimē quoddā & ve-

lutypū fuisse ait. Fouet enim diuinavirtus pios, mōdestos atq. se aduenientē excipientes, eosdēq. calore efficiētiæ suæ animat, sanctosq. reddit, & à vulgari & prophana consuetudine remotos, vt illo igne totus locus olim calefactus sanctus dictus est. Idē verò ignis superbos & contumaces, atq. sceleratos vi sua exurēs consumit: alteram vim Israëlitiq. ex Ægyptoeducti, alteram Ægyptij illorum hostes experti sunt.

Dedicatio.

Misericordiæ memori.] Nunquā enim Deus proposita à se, & promissæ misericordiæ obliuiscitur, sed opportuno tempore ipsis rebus efficiendis ac præstandis recordatur. Quamobrem frequens mentio in scripturis est misericordię memoris, vt apud Habac. cap. 1. vers. 3. & quod Mater illa veritatis canebat: Suscepit Israël puerum suum, recordatus misericordiæ suæ.

Ode XII. Argum.

Inductio colloquio cū Mosē velut Angeli alloquentis indicat, diuinæ misericordiæ mysteria maximē quæ ad salutem hominum pertinet, maiora esse quàm vt humana sapientia absque Dei ipsius doctrina assequi possit. Illa enim cū ex singulari & arcano Dei cōsilio proficiscatur, Deum doctorem sui postulant, qui ramen facilis & benignus contingat iis, qui fide, charitate, modestia, & cæteris opportunis virtutibus probatos se discipulos præbeant.

Tabul. XIII. Argum.

Euangelij exemplum.] Quod qui audierunt, credentesq. secuti sunt obediētia adhibita, ex antiqui hostis tyrannide liberati sunt. Hæc enim ex Ægypto libertas, illius spiritualis salutis figura fuit.

Dedicatio.

Verbo efficaci.] Diuini verbi virtus in credentium & obedientium salutem, & rursus in aduersariorum perniciem, satis aperte declarat liberatio ex Ægypto.

Ode XIII. Argum.

Pulcherrimę exhortationis figura ostēdit Ode publicā & communē totius Israëlitiçi populi libertatē ē miserrima seruitutis cōditione, nō solū autem libertatē, sed multarum diuitiarū ab hostibus, verbo Dei



bo Dei victis & expoliatis, abductarū facultatē: simul gratulatur illis nouæ ac iucundioris vitæ vsum, adscribens omnia hæc beneficia diuinæ misericordiæ.

*Tabul. xiiii. Argum.*

*Arcana saluæ argumentum.* ] Illustis illa salus Israëlitis olim facta humanæ salutis mysteria & symbola omnibus suis partibus continebat. Omnia enim, vt Apostolus ait, in figura contingebant illis, 1. Cor. 10.6.

*Dedicatio.*

*Deo victori.* ] Fuit enim illud bellum Deo duce gestum aduersus Satanam, eiusque milites Ægyptios, per magnos illos ministros, virtutes Dei, mare, ventos, noctem, nubes, lucem & tenebras. Sicut Moses dixerat: Dominus Deus vester pugnabit pro vobis, & vos tacebitis, Exod. 14.

14.

*Ode xiiii. Argum.*

Eiusdem sententiæ cum dedicatione est hymnus hic. significat omnem naturam creatam ministram se præbere Deo, tum ad pios iuuandos & seruandos, tum ad impios vlciscendos & perdendos.

*Tabul. xv. Argumentum.*

*Humana infirmitudinis examen.* ] Lex per Moysen lata, sancta quidem illa, & spiritalis, quæ virtutis & pietatis cultum ostenderet & exigeret, sed quia non erat scripta in cordibus hominū, nisi in tabulis tantum, accusabat quidem conscientias, & exercebat eas ad pietatem, non tamen perficiebat: imò magis ostendebat humanam infirmitatem ex naturæ antiquo lapsu natā: indicabat autem ex consequenti Christum expectandum, qui quod impossibile erat legi, in suorum animis efficeret. Est hoc grauissimum, & magni momenti argumentum: de quo plurima & admiranda disputatio in totis noui testamenti libris est. Lege cap. 8. Epist. ad Rom.

*Dedicatio.*

*Deo, puro, sancto, terribili.* ] Hæc omnia ipsa lex lata, & apparatus ille ignis, caliginis, fumi, tubæ sonitus & vocis è cælo auditæ, deinde motus populo factus declarauere. Lege Epist. ad Hebr. cap. 12.

*Ode xv. Argum.*

Magnum beneficiū à Deo in homines

collatum canit, quòd in tanta iam tenebrarum caligine, & naturalis legis obliuione sese Deus ad colloquium cum hominibus ineundum demittens, voluntatē suam lege lata declarauerit, & æqui iusti, pietatisq. rationes sanctissimas exposuerit: Idq. magno apparatu & præsentiam suā testante effecit. In fine autē Odę dicitur illam legem interim integrè colēdam fuisse, quoad Spiritus sanctus, Christo salutis pontifice, in corda hominum missus legis optimam obseruationem imperaret, facilemque redderet semotis illis cærimoniis, quæ in illa lege velut vmbra futuræ veritatis continebantur.

*In Tab. xvi. Argum.*

*Constantia fructus.* ] Non hæsitandum in Dei promissis, sed summa constantia expectandum esse euentum, docet hæc tabula. Ex magna enim illa hominum multitudine, qui ex Ægypto deducti fuerant, illi tantum promissam terrā ingressi sunt, qui vel constantes initio fuerant, vt Iosue & Chaleb; aut qui postea incredulitatis expertes, totos quadraginta annos perdurauere. Qua de re primum & secundum cap. Deuter. plenè disserit: & D. Paulus ad Hebr. c. 3.

*Dedicatio.*

*Fideli Deo.* ] Impossibile enim est Deo mentiri, aut promissis deesse suis, nisi illi, quibus facta sunt, sibi ipsis desint, Hebr. 2. c. vers. 2.

*Ode xvi. Argum.*

Docet, non timidis, otiosis, pigris & incredulis, atq. laborum detractatoribus diuinorum promissorum euentum vsumq. contingere, sed iis qui fide & charitate innixi propositum sibi studium fortiter percurrunt, summa spe reportandi præmij concepta, ex diuinis sermonibus efficacissimis ad animos fideli addendos, quibus omnis difficultas frangatur & superetur. Significat præterea diuinorum beneficiorum, quæ promissionibus continentur, tantam esse dignitatem, amplitudinem, & iucunditatem, vt eos, quibus contigerit, nullius antea acti laboris poeniteat. Exornatur carmē illo miraculo Iordanis fluuii, qui aditum aperuit Israëlitis, terram promissam adeuntibus.



Tab. XVII. Argument.

*Pœna matura grauiſſima.* ] Deus gentes illas, diutiſſimè expectatas ad pœnitentiã, tandè rebelles & contumaces grauiſſimè puniuit, dilato ſupplicio per quadringentos & amplius annos, donec vel eorum ſcele- ra, quę per pœnitentiam non expiabantur, per contumaciam & aſſiduitatem com- plerentur. Fuit prima Iericho huius diui- ni iudicij tunc teſtis, quę omnis corruiſit & arſit, omniſque cum ſuis rebus anathe- mate eſt damnata.

Dedicatio.

*Deo ultori* ] Qui non tardat promiſſa ſua, ſed patiẽter agit, nolens aliquos perire, ſed omnes ad pœnitentiam reuerti. Contu- macibus autem & proteruis, ſuamq. ma- litiã mordicus tenentibus, tandem iudi- cem ultoremq. ſe præbet. Lege Epistolam Iacobi Apoſtoli cap. 2. verſ. 13.

Ode xvi. Argument.

Confirmat, nihil valere humana con- ſilia, aut præſidia. quãuis maxima & ope- roſiſſima, aduerſus Dei iudicis & ultoris ſententiam & virtutem, quandoquidem ſine vilo humano negotio aut labore, niſi tãtũ ſola Dei volũtate, vel maxima ho- minum opera ad regnorum potentiam tuendam comparata, ſubito euertantur & corruant, vt in Iericho vrbis munitiſ- ſimæ muris ſponte ante Dei populum cor- ruentibus eſt maniſeſtum: qui populus nullam aliam artem ad expugnandũ ad- hieuit, niſi fidem cum obedientia præſcri- pli ſibi ambitus vrbis per ſeptem dies, & ſonitum tubarum & clamorum victoriæ, Hebr. cap. 11. verſ. 30.

Tabul. xix. Argument.

*Perſeuerantiæ exitus.* ] Non enim qui incipit, hic ſaluus erit, ſed qui perſeuerauerit vſq. in finem. Neq. palmam coronamque re- fert, niſi qui legitimè certarit. qui diui- nis in promiſſis hæſitarunt, à terræ poſſeſ- ſione excluſi ſunt: qui verò ſeſe Deo per- mittentes totos crediderunt, & laborum temporumq. moleſtiam, & impediẽtium hoſtium difficultates pertulerunt; hi ter- ræ Iſraëliticæ diuidendæ compores fue- runt, Matth. 10. 22. 2. Tim. 2. 5.

Dedicatio.

*Deo veraci potenti.* ] Quidquid Deus ex

mifericordia promittit, re ipſa ſuo tẽpore præſtat, nullis omnino difficultatibus im- peditus. Quamobrè miſericordia & veritas, frequentiſſimè Deo adſcribitur, Pſal. 24. 10. Iſaiã 55. verſ. 10.

Ode xix. Argument.

Oſtendit, hominum opes & diuitias, per iniuriam & avaritiã partas vnà cum dominis ſuis perire, idq. tantum prodeſſe, vt hoſtibus à Deo vindice miſſis maioris prædæ materiã ſuppeditent, cuius rei ex- emplum in illa expugnatione gentium, tanta cum feſtinatione facta, oſtenditur, quorum domus multis diuitiis referta, & agri cultiſſimi Iſraëlitis in vſum ceſſerunt, admirantibus diuinorũ promiſſorum præ- ſtantiam & conſtantiã, & damnantibus patrum ſuorum incredulitatẽ, qui tantis rebus & diuinæ prouidẽtiæ beneficiis ſua ſeſe culpa priuauerant.

Tabul. xx. Argumentum.

*Expectata expiationis vmbra.* ] Significat ta- bulã ſacerdotia antiqua, cũ ſacrificiis, quæ inquinatos ad emundationem carnis (vt Diuus Paulus ait) ſanctificabant, non ſua natura, ſed expectati Chriſti ſacrificij vir- tute, & ſignificatione valuiſſe: quam vir- tutẽ, velut vmbra corpus, vel lucem refe- rebat totus ille ſacrorũ ritus, poſtea præ- ſentiã lumine ipſo Chriſti abolendus. Hoc argumentum per totam Epistolam ad Hebręos multis et grauibz verbis diſ- ſeritur.

Dedicatio.

*Deo clementi placando ſ.* ] Magnum benefi- ciũ in illa ſacrorum rituũ veteri inſtitu- tione hominibus à Deo exhibitũ ſignifi- cat; qui quamuis illis antiquis ſacrificiis nunquam placatus eſt propter ipſorum imbecillitatẽ ad deſtruendum peccati corpus minimè idoneam: tamen præter externas quotidianorum errorum expia- tiones, ſpem etiã illa ſui repetitione facie- bant, fore aliquandũ, vt Deus omnino placaretur, admota illa victima, cuius in- finita virtute omnis ille antiquus cultus eſſet conſummandus. Ideoq. antiqui nun- quã ceſſabant offerre, per ſingulos dies, ex diuino inſtituto: quod apertè indicabat, Deum eſſe clementem, & tandem finẽ irę ſuæ, & illis veteribus laboribus poſiturũ.

Alio-



Alioqui, inquit Paulus, cessassent offerre,  
Hebr. cap. 10. vers. 2.

Ode x x i. Argumentum.

Describit canens, quantum curæ Deus adhibuerit Israëlitarum vineæ colendæ & promouendæ, missis variis colonis, prophetis, iudicibus, regibus, & ducibus, quorum singuli suo munere diligenter functi sunt: multi etiam colendæ vineæ causa extrema pericula subiere. cæteris autem laboribus cunctis diuturnior & assidua magis dicitur fuisse sacrificiorum cura, quibus populi peccata expiabantur, & humani animi infirmitas & miseria declarabatur, cum professione expectati Messiae, qui summus salutis Pontifex futurus erat. Quem vates enthusiasmo raptus (acsi illo tempore antiquo carmen componeret) cupit quam maturrimè venire.

Tabula x x i. Argumentum.

Pœnitentia utilitas.] Propositum Davidis exemplum, quantum vera & ex animi incenso studio suscepta pœnitentia impetrare apud Deum possit, apertè ostendit.

Argum. Dedicationis.

Dei benignitati.] Misericordiam quoque & benignitatē diuinam erga eos, qui concepta clementiæ spe ipsum recta pœnitentia placare student, Davidis exemplo obseruare licet: cui illud etiam ad amplificationem accedit, quod Deus ipse sponte hominem lapsum suæ ruine monet, & ad salutem petendam aduocat.

Ode x x i. Argumentum.

Docet humana malitia, simulatione, & calliditate homines fortasse alios falli posse; Deum verò nunquam falli, qui prudenti consilio vel tergiversatum peccatorem sua ipsius rogata sententia redarguit, & conuincit, ut in parabola Davidi à Nathan proposita ostēditur. Deinde ait, optimum & felicissimum esse, à peccato abstinere omni cura & diligentia; sed si quis ex imbecillitate in peccatum labatur, proximum felicitatis gradum esse, per pœnitentiam placato Deo restitui in gratiam: ut Diuus Ioannes docet, 1. Ioan. 2. 1. unde à Theologis Pœnitentia secunda tabula post naufragium rectè appellatur.

Antiquorum scriptorum tabula.

Argum. Tabul. x x i i.

Simplicitas mundo fastidita.] Nihil est quod magis deceat pios homines, & populum Dei, quàm integra in rebus agendis, atque adeò in vita omni simplicitas, qualem Samuel in munere iudicis & prophetæ atque consulis maximi obeundo seruauit. Sed hanc virtutem mundus superbiæ & fastus amator fastidit, & repellit, regesque sibi & regium fastum optat; quæ tamen non sine magno sumptu & labore, atque adeò seruitutis & tyrannidis periculo suscipit.

Argum. Dedicationis.

Optimo Reipub. ministro] Fuit enim Samuel innocentissimi & integerrimi, atque etiam diligentissimi præsidis exemplum.

Ode x x i i. Argumentum.

In genere demonstratio compositum carmen ostendit Samuelem, & integerrimum & facillimum populis iudicem fuisse, qui nullā omnino exceptionem, etiam à vulgo cui fastiditus est, tulerit. fuisse etiā ducem felicissimum, qui Palestinos hostes voto & precibus apud Deum fufis vicerit. Demum eum sacrarum historiarum sui temporis scriptorem agnoscit.

Argumentum. Tabul. x x i i i. de Nathan.

Consiliorum integritas.] Is profectò optimè consulere potest, qui nec metu, nec odio, nec gratia à veritatis & decori studio abducitur: huiusmodi consultus integerrimus Nathan tempore Davidis fuit; qui ob eam rem in dedicatione Honesti doctor grauissimus appellatur.

Ode x x i i i. Argumentum.

Beatam esse ætatem canit, in qua publicarum rerum præfecti pietatem, innocentiam, & integritatem studiosè colunt: sed quoniam potentia ipsa humana homines aliquando dementatos ad licentiā traducit, ait regibus & præfectis optandū curandumque esse, ut sapientes amicos consultosque habeant, à quibus nec propter gratiam corrumpantur, nec propter agrestem asperitatem, atque importunam libertatē exacerbentur. Cuiusmodi multi consulti esse solent. Vtriusque verò rei rectè instituendæ exemplum in Dauide & Nathan statuit; quorum alter optimus rex fuerat, sed tamen qui ut homo grauiter corruit; alter



alter optimus & integerrimus consilij minister, qui diuinam veritatē liberē & prudenter docuit. Fuit etiam Nathan suorum temporum scriptor.

*Argum. Tab. XXIIII.*

*Diuinæ veritatis argumentum.* ] Contemplator Dauidē ex puero quondā pastore ouium, deinde propter inuidiam à Saule rege primū exagitatum, atq. omni ferē populo inuisum, postea à principibus gentis suæ à familiaribus, atq. adēo à propriis filiis vexatum, & tamen omnia tolerantem spe & fide verbi à Deo excepti, demū in regium thronum cū summa tranquillitate & gloria deductum, in habitu regio carminibus diuinisq. laudibus vacantem: atq. hoc satis validum tibi exemplum fuerit diuinæ virtutis, & efficientiæ erga eos, qui verbis ac promissis Dei credentes iussis obediunt.

*Argumentum dedicationis.*

*Regi fortissimo, integerrimo, piētissimo, variis acundis. P.* ] Dauidis regis historia, optimū exemplum fortitudinis in bellicis rebus, pietatis & integritatis in religione colenda, & repub. administranda proponit: & ab eodem conscripti Psalmi summā sapientiæ, eloquentiæ, & decoris referunt laudem.

*Oda XXIIII. Argument.*

Laudes Dauidis decantat Ode, quem patientissimum iniuriarum, & magni tolerantis rebus aduersis animi fuisse dicit, vltionis minimē cupidum, ad ignoscendum propensum; constantissimæ erga diuinum verbū fidei, in bello fortissimum, atq. à puericia vincendis periculis & laboribus exercitatum: egregium scriptorem & expositorem diuinæ legis: Sacrorum rituum & ordinum instauratorē: Demum diuinorum & efficacissimorū psalmorum auctorem.

*Argumentum. Tabula. XXV. de Salomone.*

*Humane fortis mensura gemina.* ] Omnium rerum, quæ in orbe expetuntur, summa in Salomone continetur, videlicet, sapientia, diuitiæ, opes, potentia, gloria, & voluptas. Atq. in eodem etiam statutum est exemplum magni casus, in quem deueniunt, qui à timore Dei recesserint.

*Argum. Dedicationis.*

*Principi sapientissimo, vitæ mortalis magistro.* ] Nō modò sapientia & eruditione, sed pro-

pria etiam experientia auctus Salomon liberos scripsit, quibus omnis humanæ vitæ & recta & peruersa ratio continetur.

*Oda XXV. Argum.*

Laudatur Salomonis regnū, sapientia, diuitiis, & rerum omnium cognitione, præter cætera vel priora, vel posteriora exempla, præstantissimē felix; tamen illa exceptione imminutum, quod ob feminarum amorem admissio vanorum deorum cultu fuerit obscuratum: & tandem nihil præstantius in vita esse, quàm Dei timor, probatur.

*Argum. Tab. XXVI. de Isaia.*

*Pietatis indefessum studium.* ] Huius rei exemplum in Isaia statuitur egregium, qui creditum sibi propheticum munus summa fide, magna pietatis & publicæ salutis cura, vsque ad mortem diligentissimē gessit. Ille suorum temporum scripsit historiam; hoc est, partem librorum Regum.

*Argumentum dedicationis.*

*Diuiinarum rerum indici admirabili.* ] Nam nullus antiquorum prophetarum de diuinis rebus, de humanæ salutis ratione arcana, de Christo, de omni denique Euangelio plenius & significantius scripsit, quàm Isaías.

*Oda XXVI. Argum.*

Continet Ode breuē summam rerum in Isaia libro scriptarum, laudesq. ipsius prophetæ, à genere, à muneris auctoritate, & actionum dignitate, ab Euangelij significatione apertissima, à diuina prorsus eloquentia; demum à constantia pro diuina veritate supplicij genere grauissimo perferendo.

*Argument. Tabula XXVII.*

*de Hieremia.*

*Honestæ indolis decursus integer.* ] Hieremias à Deo ad propheticum munus antè electus quàm natus, religiosè educatus, magnum fortitudinis & strenuitatis exemplū, omni vitæ & muneris sui parte exhibuit. Id quod in dedicatione etiam significatur.

*Dedicatio.*

*Legato, strenuo, forti, & infracto.* ] Namq. & diligenter & strenuē creditū sibi prophetæ munus gessit, nullis vel minis, vel laboribus, vel regum & populorum inuidiis perturbatus.

*Oda*



*Ode xxvii. Argument.*

Quantum possit tenax animi propositum cum fide coniunctum, & facere & ferre ac vincere, ostendit Ode laudibus Hieremiæ vau decantandis. Deinde ostendit virtuti, quamuis à propriis ciuibus repulsæ, suum locum tamen, ex Dei providentia, honestissimum apud hostes esse.

*Argum. Tabul. xxviii.*

*In tempestate subsidium.* Captiuus Iudæ filiis tamen diuino beneficio Daniel interest, qui prophetiæ munus vtilissimum ad salutis spem magna auctoritate tueatur.

*Dedicationis Argum.*

*Vati fortis. temperantis. exercitantis.* In ferendis aduersis rebus fortissimus fuit Daniel, qui captiuus multorum principum virorum inuidia, vsq. ad varia mortis pericula, laborauit. Quantum à vitiis & voluptatibus idem abstinuerit historia declarat: exercitissimus autem in publicis rebus præcipuè ad pietatem pertinentibus fuit.

*Ode xxviii. Argum.*

Docet hæc Ode circa finem ferè antiquorum temporum, cum minus frequens prophetiæ munus esset, extitisse Danielē, qui præteritarum, præsentium & futurarum in orbe rerum seriem exponeret, eundemq. verorum somniorum interpretem, magnum & certum fuisse significat, & visionum explicatorem admirabilem: cuius sententias omnes & euentus ipse probauit, & scripta etiam sancta veraque esse Christus confirmauit.

*Argument. Tab. xxxi.*

*Providentia instauratrix.* Nihil eorum, quæ diuina providentia instituit, imperfectum manet, quamuis magna difficultate impeditum, aut interruptum putetur. Res Iudæorum detritas & profligatas Deus, excitato Esdra, restituit: vt tandem in Iudæa locus pararetur Messiæ, salutis auctori propediem venturo.

*Dedicatio.*

*Scribæ sapientiss. patri patriæ.* Namq. Esdras religionibus, rebus curatis, legibus sacris instauratis, moribus emendatis, populoque per pœnitentiam expiato, diuinam clementiam erga suos mouit, & gratiam reconciliauit.

*Ode xxx. Argument.*

Laudes Esdræ decâtat Ode, quem gratia apud Barbaros populos, & reges illustrem fuisse dicit, ex diuino videlicet beneficio. eundem genere sacerdotali, & munere scribæ præclarum prædicat, atque officio erga Deum, & patriam, gentemq. suam faciendo insignem: cuius tempore atq. adeò præsidio, & operâ, Iudæi in patriam restituti, templum denuo constructum, sacra procurata, mores publicè ac priuatè correcti fuerint. Atq. hætenus de antiquorum seculorū scriptoribus, & de omni veteris testamenti serie est actum.

*Sequitur sacrosancti Euangelij series ab initio instituta, quæ quatuor scriptoribus grauisimis à Spiritu sancto credita est, contexenda.*

*Tabul. xxx. Argum.*

*Diuina vocatio.* Efficacissima est in iis qui obtemperant, quos neque pauperies, nec mors, nec vincula terrēt. Huius rei exemplum est Matthæus publicanus, qui & Leui.

*Dedicatio.*

*Euangelij testi fidelissimo.* Non solum oculatus testis fuit Matthæus, sed qui testimonium Dei in se habuit, & proprio etiam experimento reddidit.

*Ode xxx. Argum.*

Doctè & eleganter describit publicanorum, & eorum qui diuitiis comparandis inhiant, cupiditatem & studium. Postea cōparatione mutationis magnę ostendit, quàm efficax sit Christi vocatio, & quemadmodum apud Deum facile sit, diuitem à diuitiarum cura reuocatum, ad earundem contemptionem, & potiorē diuitiarum amorem traducere.

*Argument. Tab. xxxi. de D. Marco.*

*Sapientiæ compendium.* Breuib. chartis Christianæ virtutis, & totius Euangelij summam complexus est Marcus, ea tantum ex tota historia contexens, quæ salutis humanę consequentes rationes spectarent. Huc etiam pertinent, quæ in dedicatione leguntur.

*Ode xxxi. Argument.*

Deberi Marco laudes ait, quas Alexandria excipiens celebret, cui ille, à Petro relictus, Episcopus præfuit, & quas etiā om-



nis orbis commemoret. Laudum autem argumenta indicat, quod Christianâ disciplinam multis laboribus colendam, libenter Marcus susceperit, quod Petro comitē sese prębuerit, quod creditam sibi Ægypti ecclesiam optimē fuerit moderatus, quod Euangelium scripserit breue, sed perspicuum, incipiens ab ipso Euangelij initio, hoc est, à Baptismo Ioannis.

*Argument. Tab. xx x i i. de D. Luca.*

*Lux expedita.* Quæ alij Euangelistæ breuiter & magna significatione scripsere, Lucas principio alius repetito exposuit, ita ut ipse aliorum contestis, & commentator sit. Quamobrem illo titulo dignissimē insignitur, quem dedicatio addit: *Veritatis expositori deserto.*

*Oda xxx x i i. Argum.*

Lucam ex magno physico medico, in optimi medicinæ generis professorē euasisse, Ode canit, nempe Christo præceptore edoctum, quænam sit maxima hominū ægritudo; quæ causa morbi; quo medico, quibus modis & remediis leuari curarique possint. Eumq. explicati Euangelij auctorem commemorat, & gesta Apostolorum scripsisse; cuius libri summa ratio est, diuini spiritus sanctificationis virtutē indicare. Demum Pauli Apostoli comitem, & rerum gestarum testem, & scriptorē eundem canit.

*Argum. Tabul. xx x i i i.*

*Abstruso sapientia.* Diuinam naturam vniuersam, personis trinā, consiliis altissimam, actionibus omnipotentē, humanā etiam regenerationē admirandis modis Ioannes Euangelista, scriptis à se Euāgelio, Epistolis & Apocalypsi tractat: ita ut nullus auctorum factorū tam altē penetranda mysteria chartis exposuerit; ideo penitissimus arcanorum index in dedicatione appellatur.

*Oda xxx x i i i. Argum.*

Admiranda Euangelij & cæterorū Ioannis scriptorum argumenta, admiranda etiam verba, non ab humano ingenio aut studio profecta, sed diuino spiritu dictata fuisse asserit Ode, eumq. ex piscatoria humilitate ad illustrissimam conditionē discipuli charissimi, testis integerrimi diuinitatis & humanitatis suæ, item filij & cu-

stodis maris suæ à Christo fuisse delectum canit.

*Argum. Tabul. xx x i i i i.*

*Felicitis seculi initia.* Aurea noui Testamenti & Euangelij ætas à conceptu & ortu Ioannis Baptistæ inchoata est, ut docet D. Lucas.

*Dedicationis Argument.*

*Deo consuli perpetuo sapienissimæ.* Illius enim de humana salute consilium perpetuum fuit, atq. ita sapiēter institutum, ut opportuno tempore explicari cœperit.

*Oda xxx x i i i i. Argum.*

Tempus illud expectatū atque exoptatum piis omnibus, quod à Deo iterū humanam naturam alloquente, & renouandam pollicito (ut constat ex Genes. cap. 3. vers. 15.) significatum est, iam ex eo tēpore cœpisse indicat poëta, cū Angeli terras, & hominū colloquia familiaris frequentarent. Cuius rei exemplum editum est in legatione ad Zachariā per Angelum delata, quæ hoc loco eleganter narratur; simul & Ioannis Baptistę animus, mores, virtus, & munus prædicantur, & visionis certa fides populo facta ostenditur.

*Argum. Tabul. xxx v.*

*Rerum nonandarum exemplum.* Quod virgo concipiat, virgo pariat Deū & hominem, ex Spiritus sancti opera & Altissimi virtute hæc fiant: exemplum manifestum est posse renouari humanam naturā, in melioremq. traduci conditionem, idque à Deo adornari.

*Inscriptio.*

*Deo electori.* Qui humiles exaltat, & nouit eos, quibus magna nomina imponere constituat, ut nō gloriatur omnis caro, sed ipsi auctori gloria adscribatur.

*Oda xxx v. Argum.*

Inducit Angeli saluantis orationem, & Virginis audientis honestatem, modestiam, prudentiam, ac viuā fidem decantat.

*Argum. Tab. xxx v i.*

*Pietatis concordia.* Qui vera pietate calent, ad eō non inuident aliis magnas dignitatum, & munerum, beneficiorumq. acceptorum à Deo facultates & cōditiones, ut studiosissimē gratulentur.

*Inscriptio.*

*Femina sanctissima.* Mariæ, quam beatam dicent



dicent omnes generationes, sanctitatem Elisabethæ testimonio celebratam hæc tabula continet.

Ode xxxvi. Argum.

Canit Elisabeth iam ex diuino miraculo grauidam, maiori Spiritus vi auctam fuisse visa virgine Maria, quam Dei matrem agnouit, & beatam prædicaui; quæ summa modestia & honestate, summa fide ac virtute hospitium in se parauerit Deo, idq. non suo tantum, sed infantis in vtero suo contenti sensu comprobatur, cuius lætitia ipsa etiam exultauerit.

Argum. Tab. xxxvii.

Aurora diem nuncia.] Aurora non est ipsa lux, sed à die & sole efficitur, quem præcedit annuntians; sic Ioannes quamuis lucerna ardens esset, non erat ille lux, sed vt testimonium perhiberet de lumine.

Dedicatio.

Deo prospectori.] Magno enim apparatu signorum & miraculorum in conceptui & ortu Ioannis Baptistæ significabat Deus humanæ salutis negotium à se maturari.

Ode xxxviii. Argum.

Genethliacum carmen est, quo Ioannis Baptistæ auctoritas, dignitas, munus, officium, & vitæ genus horridum, & à voluptatibus mundanis alienum celebratur; idq. eleganti dicendi figura.

Argum. Tab. xxxviii.

Sol iustitia exoritur.] Christus orbem in tenebris iacentem illustraturus, virtutis suæ signum ipso ortu suo dedit, luce per noctem illustrante, & Angelis canentibus, pastoribusq. simplicibus ad mirandum spectaculum vocatis.

Dedicatio.

Humana sortis susceptori Deo homini.] Qui factus est homo ex semine Dauid, formam serui accipiens, per omne infirmitatis humanæ genus (peccato excepto) tentatus.

Nanæ Argument.

Natura humana mirata nouum genus infantis, agnoscit Deum in mundum venisse hominem, qui, infirmitatibus ipsis susceptis; renouationem admirandam efficiat.

Argum. Tab. xxxix.

Charitas nihil recusans.] Hanc maximam præstitit Christus, qui exinanivit semetipsum, vltro suscipiens vitæ mortalis labores, & legis seruitutem pro hominibus, quorum salutis causa in mundum venerat. Idque ex dedicatione etiam declaratur: Principi summo pro reipubl. libertate seruienti.

Ode xxxix. Argum.

Mirandum esse ait, quod Deus voluerit experiri labores & dolores, quibus humana mortalitas premitur; cum tamen ille optimè cognosceret à cælo, quàm magni illi, & quàm à diuina natura alieni sint. Vnde consequitur, Dei filium spontè venisse, & suscepisse illam seruitutem, atq. sese legi subdidisse, circumcisione accepta, quæ signum erat adscriptionis in populum Dei; non vt ipse adscriberetur, sed vt homines seruos, quibus similem se præbebat, in gratiam conciliatos, cælesti regno ciues adscriberet. Absoluitur Ode significatione nominis à Christo per illam suam summam modestiam & humiliationem reperti.

Argum. Tab. xl.

Gentium lux.] Christus lumen fuit ad reuelationem Gentium, Luc. 2. qui statim vt natus est, magis affulsit cognoscendus.

Dedicatio.

Deo immortalis, homini vero, regi liberatori.] Indicat significationem munerum à Magis prolatorum.

Ode xli. Argum.

Solem exortum antea videri ab iis, qui in montibus versantur, quàm ab iis qui in nebulosis vallibus errant: ita Christi nomen & nomen prius cognitum est Gentibus, qui Deum ex naturæ obseruatione verè & simpliciter querebant, quàm à Iudæis, à malitia, ambitione, & cupiditate excæcatis, & à propria veraq. doctrina ob propriam culpam alienatis.

Argum. Tab. xli.

Diuina tutela.] Nihil consilia, studia, commenta, potentia humana nocere possunt iis, quos Deus suscipit seruandos, quosq. prouidentia tuetur sua. Lege sententiam distichi huic tabulæ inscripti.

Inscriptio.

Principi optimo pro suis exultanti.] Vt ex figurato figura adimpleretur, sicut scriptum est, Ex Ægypto vocavi filium meum.



Ode xli. Argument.

Inducit Odeviatorem quendam, qui cum Ioseph de itinere differat, quod institutum videt cum virgine honestissima, & puero mortalem vicem superante. Ille exponit quis sit puer, qualis mater, quis ipse, quod properet, cuius consilio, & quam obrem; nimirum Dei consilio se petere Ægyptum, ut ibi asseruet pignus publicæ salutis, refarciturum omnem humanam iacturam abundantissimè tempore à Deo constituto.

Argum. Tab. xlii.

Gratiarum thesaurus. ] In Iesu Christo enim sunt omnes thesauri sapientiæ & scientiæ Dei absconditi. Coloss. 2. vers. 3.

Inscriptio.

Diminuti emicanti. ] Pueri prudentiam, & profundas cogitationes admirati senes illi peritissimi diuinæ naturæ vim interpretari debebant.

Ode xlii. Argum.

Inducit adstantium & assidentium puero Iesu admirationis plenam orationem, quam planè illa respondentis pueri sapiëntia diuina esse probatur.

Hactenus lucis exordia & solis in terra orti demonstratio.

Nunc iam deinceps Euāgelij series contextitur.

Argum. Tab. xliii.

Lucis diuinæ coruscatio. ] Pœnitentia à Ioanne indicta initium fuit boni nuntij de hominum publica salute iam orbi allati. Nō enim Ioannes erat lux, sed ut testimonium perhiberet de lumine.

Inscriptio.

Salutis nuntio gravissimo. ] Magna & planè diuina auctoritate Ioannes præditus fuit, ut præsentem orbis redemptorem testaretur, quem cæteri prophetæ futurum prædixerant.

Ode xliii. Argum.

Canit Ode salutis aduentantis testimonium & præconium per antiquos vates prædictum, & indicatum à Ioanne secundum Iordanem; idq. in magna & celebri populorum frequentia; ab eodemq. de duplici Euāgelij efficientia disertum fuisse: totum deniq. Ioannis officium indicat.

Colonus Gentibus impiis vicina innuens prædia.

Periphrasis est Galilææ.

Argum. Tab. xliiii.

Modestia ornamentum. ] Iesus à Nazareth veniens, nihil de se profertur magnificentissimum, sed, ut alij, baptismum petit, quod tamen non indigebat. Ea modestia admirando Dei præconio & testimonio ornata est. Id adeò in dedicatione significatur, Christo Dei filio pronuntiato.

Ode xliiii. Argum.

Poëtica elegantia & eleganti veritate describit lætitiā publicā ab omni natura rerum celebratā eo die, quo Christus à Ioanne baptizatus est, ubi Trinitatis personæ apertis argumentis probatæ fuere, & illa profunda charitas Christi ostensa; quicū in forma Dei esset, formam serui accepit, & per omnia factus est obediens patri & sese minoribus, hoc est, hominibus subdidit.

Argum. Tab. xlv.

Scripturarum utilitas. ] Probatissima aduersus impetus diaboli arma verbum Dei est; quamobrem Christus ad doctrinam nostram diabolicas tentationes petitis ex sacra scriptura telis superauit.

Dedicatio.

Christo duci inuictissimo. ] Quem præeuntem & docentem atq. adiuantem qui sequentur & imitabuntur milites, ab aduersario non superabuntur.

Ode xlv. Argum.

Christo victori Angeli accedentes ministrabant, quos omnis prælij commissi, & triumphi per Christum reportati narratores inducit Ode.

Argum. Tab. xlvi.

Natura innotande argumentum. ] Vinum ex aqua factum, idque optimum.

Dedicatio.

Christo curatori benigno. ] Vbi ille præsens est, nihil desiderari potest, modò commodum opportunumque sit.

Ode xlvi. Argum.

Docet hoc carmen Christum præsentia sua nuptias legitimas à Patre suo institutas ornasse, & significasse etiā amorem suum erga ecclesiam, quam sibi spirituali & arcano matrimonio copulare instituerat; deinde huius rei confirmationem & virtutis Christi signum primum celebrat, aquam



aquam in vinum conuerſam.

*Argum. Tab. XLVII.*

*Diuinæ diſciplinæ ſchola.* ] Conſtat magna veritate & ſimpliciſſima ſapientia à mundi opinionibus aliena; conſtat etiam diſcipulis ſimplicibus, & veri ac boni tantum cupidis. Huc & dedicatio pertinet, *Simpli- cini doctōri optimo*. Vnde Paulus nihil ſe ſcire velle niſi Chriſtum aiebat, 1. Corinth. 2.

*Ode XLVII. Argum.*

Canit Ode Chriſti doctrinam ex Patris ſapientia profectā, duplici virtute prædita, illuſtrādī & fouendi mollia corda; id- quæ ex efficacia ſua: rurfus contundēdi & premendi atq. obdurandæ crassa & terrena pectora, id quæ ex conſequenti euentu; atq. adeo ex ipſorum culpa qui difficiles ſeſe præbent: illis fructum eſſe vitam, his mortem.

*Argum. Tab. XLVIII.*

*Latiffima orbi legatio.* ] Sicut ſcriptum eſt, Quam pulchri ſuper mōtes pedes annun- tiantis, & prædicantis pacem, annuntian- tis bonum, prædicantis ſalutem, Iſaiæ 52.

*Dedicatio.*

*Magni conſilij nuntio ſummo.* ] Chriſti titu- lus hic eſt, quem Euangelij ſummum mi- niſtrum circuncifioni promiſſum & da- tum Paulus appellat, Roman. 15. ille alios ſalutis annuntiandæ cauſa ſubdele- gavit.

*Ode XLVIII. Argum.*

Docet opportunam Chriſti & ſollici- tam curam mittendi Apoſtolos, qui ſalu- tis nuntium, cum magnis miraculorum ad confirmationem beneficiis, Gentibus, nimia veritatis audiendæ penuria laborā- tibus, afferrent: atq. adeo ipſi cum mul- tiplici & graui ſui ipſorum incommodo mundum doctrinæ ſalubris medicamen- tis curarent, ſpe præmij non in rebus ter- renis, ſed cæleſtibus propoſiti.

*Argum. Tabul. XLIX.*

*Providentia certiffima.* ] Oſtendit Chriſtus certiffimam eſſe providentiam erga eos, qui ſe doctorem ac ducem ſequuntur; qui- bus nihil vnquam deerit eorum quæ ne- ceſſaria ſint & commoda, tametiſi ſuper- flua non ſuppeditentur.

*Dedicatio.*

*Humana infirmitatis curator.* ] Chriſtus enim

ipſe vltro proſpicit vitæ ac neceſſitati ho- minum, qui ipſum quærentes petunt. Mi- ſereor, inquit, ſuper turba, &c. Marc. 6.

*Ode XLIX. Argum.*

Expoſitione miraculi in tanta homi- num multitudine, tã exiguo ſumptu paſ- cenda, arguit humanam ſtultitiam, quæ terrena multo labore quærit, cum eadem copioſa magis, longeq. ſuauiora, & iucun- diora contingāt iis qui ſpiritualia à Chri- ſto petunt.

*Argum. Tab. L.*

*Fidei momentum.* ] Lazarus ſuſcitatus ex mortuis illuſtre admodum exemplum eſt efficacitatis fidei viuæ; quæ cum confeſ- ſione ſorum oſtēderetur, impetrare po- tuit à Chriſto quatrduo iam mortui ho- minis reſtitutionem.

*Dedicatio.*

*Vitæ auctori efficaciffimo.* ] Illo miraculo Chriſtus confirmauit ſe eſſe vitæ ſpiritua- lis auctorem, vt in Euangelij exponitur.

*Ode L. Argum.*

Eiuſdem ſententiæ eſt Ode cum inſcri- ptione & dedicatione Tabulæ.

*Argum. Tabul. LI.*

*Salutis oblatio.* ] Vltro nos Deus dilexit; vltro filium ſuum in mundum miſit, vt diſ- ſolueret opera diaboli: vltro filius ipſe ſpe- ctandum agnoſcendumq. ſe præbuit.

*Dedicatio.*

*Regi legitimo declarato.* ] Quem Deus certis ſignis ſpectandum per prophetas indicari ac prædici curauerat.

*Ode LI. Argum.*

Canit lætiſſimam illam diem Ieroſoly- mis illuſiſſe, qua rex Chriſtus pater futuri ſæculi, & ſalutis pontifex urbem ingreſſus eſt, agnoſcendus ſignis per prophetas præ- dictis, humilis & manſuetus, non faſtu il- lo mundano regum & principum dam- noſo & graui. Quibus vulgus vel ſpe, vel metu, vel leuitate magis aliquando quàm iudicio blanditur & adulatur. Sed Chriſto turba plaudebat propter memoriam mi- raculorum & doctrinæ.

*Argum. Tab. LII.*

*Celaru antiquis ſæculis arcanu.* ] Quod in illa ſacroſancta cœna & corporis ſui cum ho- minibus communicatione actum eſt my- ſterium antiqua ſæcula nunquam intelle- xerunt.



*Dedicatio.*

*Dei benignitati admiranda.]* Qui filium suum nobis dedit, non solum ut suam naturam nobis communicaret, sed ut nostram culpam suscipiens lueret atque expiaret.

*Ode LII. Argum.*

Canit admirandum conuiuium à Christo exhibitum hominibus, sibi etiam desiderio desideratum, in quo præstitæ olim liberationis ex Ægypto lux ipsa & veritas spiritualis liberationis apparata fuerit miro modo. Perstringit autem multa mysteria de virtute, & efficientia sacrosancti sacramenti corporis & sanguinis Domini, quæ longam desiderant explicationem.

*Argum. Tab. LIII.*

*Publica victima.]* Hostiam & oblationem noluit, corpus autem aptasti mihi: hoc loca automata & pro peccato non tibi placuerunt: tunc dixi, Ecce venio: Hebr. 10.

*Dedicatio.*

*Sacerdoti æternum unctio.]* Idem enim fuit victima, idem Sacerdos in æternum secundum ordinem Melchisedech.

*Ode LIII. Argum.*

Comparat infirmitatē antiquorum sacrificiorum & victimarum ipsarum, cum Christi victima & sacrificio: & Philosophicis, ac Theologicis argumentis ostendit oportuisse Christum pati ad mundi tollenda peccata, quæ illis antiquis seruitutibus destrui non poterant: obiter autem indicat magnum illud mysterium redemptionis, in morte & resurrectione Christi.

*Tab. LIII. Argum.*

*Publici debiti grauitas.]* Hæc arguebat illa deprecatio Christi ter repetita.

*Dedicatio.*

*Humane miserie susceptori.]* Christus enim miseram illam conditionē hominum ex peccato ortam cum peccatis ipsis in se suscepit, grauissimum quidē onus, sed quod tales postulabat humeros. Isai. 53.

*Ode LIII. Argum.*

Exponit causam illius anxietatis & sudoris sanguinei Christi orantis: quam indicat fuisse peccatorum mundi, tum multitudinem innumeram, tum grauitatem immodicam.

*Tab. LV. Argum.*

*Improbis permixta impotentia.]* Furit huma-

na improbitas ubi potestas tenebris facta est, atque in innocentissimum sæuit importunissimè.

*Dedicatio.*

*Agno saluari mitissimo.]* Qui coram tondeute se obmutuit de salute eorum cogitans, à quibus crudeliter tractabatur. Isai. 53.

*Ode LV. Argum.*

Ferociiores & noxias magis tenebras fuisse ait, quæ tempore passionis Christi grassatæ sunt, quàm eas quæ ante mundum conditum abyssum occupabant, illæ præstæ tenebræ, vel nihil, vel abyssum premebant, ex qua orituræ erant res corporeæ: hæ verò innocentissimum Christum vitæ fontem vexabant.

*Tab. LVI. Argum.*

*Virtus mundo inuisa.]* Tantā lucem tenebræ ferre nequeunt, quam obrem innocentia à nocentibus, simplicitas & virtus, atque modestia summa ab auarīs, ambītiōis & peccatoribus damnatur.

*Dedicatio.*

*Innocenti pro sceleratis denoto.]* Ipse enim sese deuouit patri pro nobis, atq. pro omnibus, etiam iis, à quibus damnabatur, si tamen illi vellent aliquando suum malum agnoscere, & illius beneficio indignos non se præberent.

*Ode LVI. Argum.*

Ostendit magistros & præfectos ambitione, & suorum commodorum studio excæcatos, non modò ipsos impiè & sceleratè agere, sed reliquo populo magnorum scelerum & iniuriarum auctores esse. Cuius rei exemplum manifestum est in illa Christi damnatione apud pontificem.

*Argum. Tab. LVII.*

*Felicitas repulsa.]* Christus in propria venit, & sui eum non receperunt suo ipsorum magno malo.

*Dedicatio.*

*Agno à lupis leoni obiecto.]* Gentibus Christus est traditus Iudæorum sæuissimorum dolo. Gentēs ferarum instar habuere; atque ita crudeliter à gētibus Pilato & militibus tractatus est.

*Ode LVII. Argum.*

Indignationem continet carnē, aduersus eos, qui beneficentissimum & multis exem-



exemplis vtilissimum probatū salutis auctore Iesum, immanibus modis exceptū, tanquam nocentissimum & execrandum malefactorē tradebant iudici iniquo. Hoc autem indicat humanam peruersitatem, & diuinam bonitatem.

*Argum. Tab. LVIII.*

*Innocentia spectatissima.* Traditus Christus etiam inuidis & suspiciosus tyrannis, & remissus ad Pilatū testimonium vndequaq; exploratissimæ innocentis, & omni exceptione superioris vitæ refert: ex quo cōsequitur, eum alienas culpas luere, non suas, quas nullas habebat. idque in dedicatione significatur.

*Humana causæ procuratori fortissimo.* Qui nihil probri & contumeliæ, atq. laboris & plagarum non subiit, & pertulit hominum causa, quam vt perferret, nulla vel grauissima retardatus est re.

*Ode LVI. Argum.*

Pilatus iudex metu actus iudicij à se iniquè in Christum exercendi, reum Herodi mittit iudicandum. Herodes nihil dignum inuenit morte in eo, sed curiosè experiri virtutē cupit: cui eum nihil responderet ad illam leuem cupiditatem Iesus fastiditus, magis ob illam integritatem & stultus iudicatus, quàm damnatus, remissus est ad Pilatum; atq. idem apud vtrunque constitutus, admirabili quadam virtute & arcana vtrunq. ex inimicis reconciliauit.

*Argum. Tab. LIX.*

*Pacis humana disciplina.* Christus attritus propter peccata nostra, indignationem Dei erga homines iustissimam & grauissimam sua obedientia & innocentia placauit.

*Dedicatio.*

*Ignominie publicæ susceptori.* Ignominiosum fuit flagellari hominem sceleratū: summæ verò ignominie innocentem pro scelero plagis affici, has plurimas Christus innocentissimus pro sceleratissimis pertulit.

*Ode LIX. Argum.*

Conqueritur innocentē ita crudeliter verberari à nocentissimo carnifice, qui nihil com meritus fuerit, quam obrem verberaretur: & interim illis plagis acceptis, sanet alienas noxas, atque adeo in hoc in-

tentus sit, vt vel ipsi tortori suis vulneribus profit.

*Argum. Tab. LX.*

*Humana mentis lenitas.* Quæ innocentem, & beneficium, atque omni ex parte vtilem agnitum, manifestario & publico malefactori posthabet.

*Dedicatio.*

*Hæredi æterno à seruis expulso.* Tantum humana cupiditas & ambitio mali suadet hominibus.

*Ode LX. Argum.*

Vulgi lenitatem detestatur Ode, qui nullo consilio à bona sententia in pessimā mutatur; & viros pios ac probos omnes hortatur, ne vllum sibi honorē in populi ac vulgi opinione constituent, nisi in virtute atque beneficentia, cui coronam nec addere, nec detrudere vulgus potest.

*Argum. Tabul. LXI.*

*Lux inter tenebras.* Qui peccatum nō nouerat, inter peccatores vt execrabilis ducitur, ita tamen, vt in medlis iudicis erroribus, & accusatorum insaniis illius innocentia fuerit testatissima.

*Dedicatio.*

*Innocentia pro nocentibus tradita.* Hac enim hostia mundi peccata expianda decreuerat Deus.

*Ode LXI. Argum.*

Summam Christi potentia, virtutem, & amplitudinem maximam, ad mortem vsque crucis pro nobis humilem & obedientem, miratur Ode. Describit autem tum dignitatem propriam, tum humilitatem susceptam appositissima antichesi.

*Argument. Tabule LXII.*

*Sacrificium summum.* Antiquorū cultuum & sacrificiorum consummatio: vnā enim offerens hostiam Christus id effecit & impetravit, quod antiquæ legis sacrificiis impossibile fuerat. Hebr. 10.

*Dedicatio.*

*Sacerdoti maximo pro populo litanti.* Idē enim & efficientissimus Altaris, & gratissimus pontifex fuit, qui Aaronis sacerdotium in æternum Melchisedechi mutauit.

*Ode LXII. Argument.*

Negotium salutis humanæ decretum à principio mūdi, quod natura ipsa propter infirmitatem efficere nunquā posset, Christus



stus sacerdos Dei filius ex amore proprio, paternaq. gratia præstitit, factus maledictum pro nobis, & subiens tenebras mortis, ut nos educeret in lucē. Hoc arcanum nunquam intellexit Satanas, donec iam ita constitutum fuisset, ut serò sapientem se perturbaret conatū impedire per somnia & terrores vxori Pilati iniectos, sed frustra.

*Argum. Tabula LXIII.*

*Inimicitia composita.* ] In Christi cruce & morte reconciliatus est Deo mundus, qui antea erat inimicus, nisi tamen ipse à reconciliatione sua culpa alienetur.

*Dedicatio.*

*Inferorū expugnatori expoliatori fortissimo.* ] Mortuus Christus non cessat, sed inferas sedes, quas moriens expugnauerat, petit, & expoliat, redemptis iis qui in illius fide ac spe mortui fuerant.

*Ode LXIII. Argum.*

Ostēdit Ode à virgine matre magnum dolorē ex occisi filij spectaculo acceptum fuisse, nunquam tamen eiusdem resurrectioni fidem, spem, atque expectationem abfuisse. Id autem eleganti similitudine decantat ex rerum natura petita.

*Argum. Tabula LXIII.*

*Humani generis diuinitas.* ] Christi sese ad mortem vsq. demittentis inopia diuites facti sunt, quicunque in ipsius mortem baptizati sunt, 2. Cor. 8.

*Dedicatio.*

Dedicatio continet epitaphium rerum à Christo susceptarum & præstitarum, dignitatis & efficiētiæ illius sumam complectens, atque breui futuræ resurrectionis spem confirmans.

*Carminis LXIII.*

*Argum.*

Elegiacum carmen inscriptionis instar habet hoc loco: alloquitur saxum viuum sepulchri ut testem perpetuum futurum mortis, & incorruptionis, ac resurrectionis Christi, atq. etiam iniunictiarum inter Deum & homines compositarū morte & resurrectione Christi.

*Argum. Tab. LXV.*

*Vita orbi allata.* ] Christus mortuus est propter scelera nostra, & resurrexit propter iustificationem nostram, Roman. 4.

*Dedicatio.*

*Iesu Christo mundi, mortis, inferorumq. victori potentissimo.* ] Qui potest gratiam suis impetrare & impertiri vincendi ea, quæ ab illo victa sunt. Ioan. 16.

*Ode LXV. Argum.*

Canit die resurrectionis Domini naturam omnem exultatione & plausu testatam fuisse, nouam hominibus vitam per Christum deuicta morte allatam.

*Tab. LXVI. Argum.*

*Veritas spectatissima.* ] Christi resurrectio non potuit non notissima esse tanta copia testium.

*Dedicatio.*

*Christo viuenti perpetuo omnium Domino appellato.* ] Data est mihi omnis potestas.

*Ode LXVI. Argum.*

Eleganti similitudine proposita ostendit discipulorum turbatos metu, & consternatos dolore animos ita hæsisse, ut nō nisi multis testimoniis & periculis factis, Christi resurrectionē crederent. Magnam verò vilitatem hominibus aliis ex discipulorum longa dubitatione allatam probat, quod nulla iam aliis ratio sit relicta dubitandi. Concludit autem illos fuisse felices qui sensu ipso sæpe certiores facti sunt Christi resurrectionis, sed beatos fore qui non viderint, & crediderint.

*Argum. Tab. LXVII.*

*Emerita gestorum gratia.* ] Christus obedientia sua vsque ad mortem, & resurrectionis triumpho gratiam emeritus est, quam venerat acquirere Ecclesiæ, cuius caput ipse est, idē in cælum ascendit, ut ad dexteram patris sedēs, perpetuū suis regnum cōseruet. Itaque ipse peperit sibi nomen quod est super omne nomen: captiuā duxit captiuitatē, hominibus gratiam à patre suo impetrauit.

*Dedicatio.*

*Christo triumphanti.* ] Triumphator Christus victa morte cælū ascendit, Ecclesiam suam Spiritus sancti inde missis muneribus ornaturus.

*Ode LXVII. Argum.*

Canit Christum ex seruitute, quam factus homo obiisset, in eā euasisse gloriam, ut humanæ suæ naturæ nomen & præconium filij Dei publicè celebrandum parauerit,



nerit, simul & diuinos honores hac etiam parte fuerit promeritus, ita vt caro humana Christi, diuina etiam caro appelletur. Deinde narrat admirationem discipulis tali spectaculo factam, & Angelorum testimonium de Christi auctoritate & maiestate.

*Argum. Tab. LXVIIII.*

*Humani generis renouatio.*] Spiritu sanctificationis à Christo immisso, noui homines, nouæque creaturæ re ipsa fiunt; quos credentes, & obedientes sibi, tanto honore dignatur Deus.

*Dedicatio.*

*Christo regi potentissimo, diuissimo, liberalissimo, hominum deificatori.*] Ex plenitudine eius accipiunt homines spiritum illum sanctificationis & adoptionis filiorum, quo charissimi effecti, filij Dei nominantur, & sunt, 1. Ioan. 3.

*Ode LXVIIII. Argum.*

Canit Ode admirandam illam donorum Spiritus sancti distributionem, à Christo ad Patris dexteram sedente in suos factam, quam antiqui omnes pij vtunque præcognitam ipsi etiam optauerant, & gratulati posteris præcinerant futuram. Deinde indicat effectum Spiritus sancti in eos, quos penetrat. Postremò hortatur omnes pios ad huiusmodi dona expetenda, & contento pietatis studio à Christo impetranda. Nihil enim ille magis cupit, quam vt hic ignis, quem venit mittere in terram, accendatur, Luc. 12.

*Argum. Tab. LXIX.*

*Christi virtutis specimen.*] Cuius absentis nomen tantam vim habet, vt in signum veritatis illius sanitas reddatur iis; quos secundum naturam sanari impossibile erat.

*Dedicatio.*

*Christo in perpetuum saluari.*] Cuius virtutem perpetuam esse testantur miracula, orbi à discipulis post eius in cælos ascensionem facta. Namq. ille cælestium status nō mutatur, aut minuitur; vnde in perpetuum seruare potest accedentes ad Deum per ipsum, Hebr. 7.

*Ode LXXI. Argum.*

Docet magnam atque admirandam hominum mutationem, eorum quos diuinus spiritus imbuerit; exemplo Petri, qui non

ita pridem ad puellæ vocem negauerat se nosse Iesum, metu correptus. Idemque Christo dissuadere volebat mortem pro mundi salute subeundam; & paulo post tempore in eam fortitudinem euasit, vt humana omnia, quæ vel timeri, vel appeti solent, superauerit, & magna virtute miracula Christi nomine ediderit.

*Argum. Tab. LXX.*

*Christiane simplicitatis victoria.*] Saulus exemplum sapientiæ, prudentiæ, contentionisque humanæ audito Christi mandato superatus, ex lupo agnus redditur.

*Dedicatio.*

*Christo vindici efficacissimo.*] Qui molestiam suis exhibitam ipse ita sibi exhiberi, grauemque esse affirmat, vt vindicet etiam. Saule, Saule, inquit, quid me persequeris?

*Ode LXX. Argum.*

Mutationem illam admirandam Pauli ex persecutore Ecclesiæ in propugnato-rem canit Ode, ostendens quid impellat error, & studium, & persuasio popularis atque magnatū. Rursus quid possit Christus mutare & efficere, Spiritu sancto immisso in eos, qui sibi obediunt.

*Argum. Tabula LXXI.*

*Humanarum rerum necessarius exitus.*] Nullus hominum effugere poterit, quin reddat rationem eorum, quæ fecerit in corpore, siue bonum, siue malū: omnes enim manifestari oportet ante tribunal Christi, 2. Corinth. 5.

*Dedicatio.*

*Christo regi benignissimo, ultorij, iustissimo.*] Qui reddit vnicuique iuxta opera sua. Lege secundum caput Epistolæ ad Romanos.

*Ode LXXI. Argument.*

Hominum res aliqua ex parte in hoc mundo turbatas certam diem habere ad examinandum, atq. pro iusti iudicij ratione vel præmio, vel supplicio compensandum Ode canit. Qua die nihil optatus piis, nihil impiis minus optatum esse potest; cum aliis virtutis & pietatis cultæ corona, aliis impietatis, & improbitatis exercitiæ poena imponenda sit. Hortatur demum omnes, vt sibi consulant, & brevis vitæ recte exercitiæ spacio magnum æternorum laborum incommodum vident, magnumque maximorum bonorum compendium faciant.

Y

DIVI-



# DIVINI DE HVMANA SALVTE CONSI-

## LII SECVLORVM SERIE EXPLICAN-

### DI INDEX.

- P**RIMEVS proponitur Moses antiquorum arcanorum explicandorum, & futura salutis significanda vates à Deo constitutus.
- 2 Hic mundi creationem, & hominum ruinam narrat.
  - 3 Initium seculorū omnium, quæ ad humanæ salutis negotium referuntur, adnotatur ab eo tempore, quo Deus hominum ruinam miseris, salutem adferendam, dignitatemq; amplificandam in se recepit. Hæc est sæderis promissio.
  - 4 Fædus malitia hominum ferè interruptum cum Noë instauratur, sicut scriptum est: Ponam pactum meum tecum.
  - 5 Idem fædus iam propius & clarius Abrahæ expositum primum vocato promittitur. S. S. E. Et benedicam tibi, & magnificabo nomen tuum.
  - 6 Postea eidem Abrahæ fidei experimentis probato confirmatur. S. S. E. Benedicentur in semine tuo omnes gentes terræ, Genes. 15.
  - 7 Deinde etiam Iacob dormienti scala per quietem visa admirando arcanorū modo significatur. S. S. E. Benedicentur in te, & in semine tuo cunctæ tribus terræ, Genes. 28.
  - 8 Iacob moribundus diuinum de humana salute consilium filiis arcano testamento obumbratum significat, & spem fidemq; suam hereditario præcepto posteris relinquit, Genes. 49.
  - 9 Salutis, & libertatis Israëlitarum, quæ humana figura expressa futura erat, dux & procurator natus Moses diuina providentia à periculo liberatur, Exodi primo.
  - 11 Moses fide antiquarum promissionum fultus, salutis specimen meditaturs Aegypto occiso.
  - 12 Deus figuram humanæ salutis edere incipit & moliri in rubo ardenti Mosi ostensus.
  - 13 Liberati Israëlita ex Aegypto humanam salutem futuram referunt, quæ iam populo comparato instrui inceperat, ex quo populo salutis Pontifex nasciturus erat.
  - 14 Mare rubrum absolute salutis figuram obtinuit ex resurrectione mortuorum Iesu Christi.
  - 15 Lex in Sina data populi fædus cum Deo conciliatum probat futura nona legis signum.
  - 16 Manna in desertum missa admiranda celestis providentia signum fuit erga eos, qui diuinæ salutis compotes euassent.
  - 17 Ingressi in promissam terram Israëlita, requiem promissam spiritualem certam piis fore significabant.
  - 18 Expugnatio hostilium urbium victoriam sanctorum significabat de principibus, & potestatibus, & hostibus omnibus reportandam diuinam virtute.
  - 19 Terra diuisio celestis patriæ possessionem portendebat.
  - 20 Testamēti veteris exercitationes omnes & occupationes, venturum salutis auctorem significatum, expectandum prædicabant.
  - 21 Vnum ex officiis eorum, qui salutem expectant, est pœnitentiæ studium legiimum.
  - 22 Omnia quæ in libris sacrarum historiarum continentur, ad illam veteris testamenti conditionem referuntur, cuius scriptores & prophetas appingere satis fuit. Fuere autem Samuel.
  - 23 Nathan.
  - 24 Dauid.
  - Salomon.
  - 25 Isaias.
  - Jeremias.
  - Daniel.
  - Esdras.

Atque hæc antiquorum librorum summa est.  
Deinde Euangelij scriptores quatuor sunt, Matthæus, Marcus, Lucas, & Ioannes, à quibus negotium salutis cepimus, prædicatum, & expeditum hoc ordine narratur.



- 34 *Præcursoris Christi natiuitas annuntiatur Zacharie.*
- 35 *Deinde nuntius celestis ad Virginem mittitur, matrem futuram Seruaturis.*
- 36 *Virgo in utero gerens Christum, Elizabeth gratulabunda salutat.*
- 37 *Præcursor nascitur.*
- 38 *Christus nascitur matre virgine.*
- 39 *Christus circumciditur.*
- 40 *Rex Indæorum pronuntiatus Christus adoratur à Magis.*
- 41 *Ioseph à Deo monitus migrat in Aegyptum cum puero & matre.*
- 42 *Christus puer, duodecim annos natus, diuinæ sapientiæ argumenta exhibet.*
- 43 *Ioannes annunciat Christi præsentiam, præparat animos ad salutis fidem & stent.*
- 44 *Christus baptizatus à Ioanne declaratur Dei filius voce celitus audita.*
- 45 *Christus tentatus vincit Satanam, & specimen dat maximæ victoriæ futuræ.*
- 46 *Initium signorum Iesu Christi in nuptiis.*
- 47 *Deinde incipit prædicare Euangelium Christus.*
- 48 *Duodecim à se electos Euangelij prædicatores delegat.*
- 49 *Testatur miraculo edito se discipulis suis prospicere, & omnibus qui se sequantur.*
- 50 *Lazari excitatione à mortuis testatur se vitæ auctorem, atque adeo vitam esse ipsam.*
- 51 *Christus rex indicatur à Deo iuxta vaticinia.*
- 52 *Christus in cæna seipsum exhibens in cibum spirituale sacramentum mortis suæ instituit, in quo magnum consilium Dei editur, antea celatum hosti antiquo.*
- 53 *Christus se Patri offert victimam pro mundi delictis.*
- 54 *Christus orat, commendat se obedientiamq; suam Patri.*
- 55 *Christus capitur.*
- 56 *Damnatur à suis.*
- 57 *Traditur Gentibus.*
- 58 *Deducitur ad Herodem.*
- 59 *Flagellatur.*
- 60 *Postulatur ad mortem à suis.*
- 61 *Traditur crucifigendus, innocens pronuntiatus.*
- 62 *Crucifigitur.*
- 63 *Deponitur mortuus de cruce.*
- 64 *Sepelitur omnia hæc secundum scripturas.*
- 65 *Resurgit secundum scripturas, victa morte, & inferni regno.*
- 66 *Conspicitur certissimis testibus.*
- 67 *Ascendit triumphator in cælum.*
- 68 *Mittit Spiritum sanctum, pignus regni à se obtenti, & suis acquisiti.*
- 69 *Tesantur Apostoli Christi regnum & virtutem miraculis editis, & sapientissimis orationibus.*
- 70 *Deligitur ex hostibus Christiani nominis sanctissimus in testem locupletissimum virtutis & veritatis Christi.*
- 71 *Finis mundi, & scripturarum omnium statuitur in aduentu Christi iudicis.*



24. In Christo...  
25. In Christo...  
26. In Christo...  
27. In Christo...  
28. In Christo...

29. In Christo...  
30. In Christo...  
31. In Christo...  
32. In Christo...

33. In Christo...  
34. In Christo...  
35. In Christo...

36. In Christo...  
37. In Christo...  
38. In Christo...

39. In Christo...  
40. In Christo...  
41. In Christo...

42. In Christo...  
43. In Christo...  
44. In Christo...

45. In Christo...  
46. In Christo...  
47. In Christo...



















G-510















